

دار الفنون

حقوق فائز و لیترا مجبور

مقوق ، اقتصادیات

ایکی آیمه بر نشر الرنور

مندرجات

قسم حقوق :

تشکیلات اساسیه قانونه منافی احکامی احتوا ایدن قوانین حقنده قضائی مراقبه مسئله سی مدحت
یکی تورکیا حقوق مدنی سی تدقیقانه مدخل صاوزه رهال (مترجلی) دانش سعید ، صدیق سامی
مدنی وجیهه لرده اخلاق قاعده سی عبدالحق کمال

قسم اقتصاد :

استقراض و دیون عمومیه عینی زاده حسن تحسین

مدنی و جیه لرده اخلاق قاعده سی

مدخل

مقرونه قاعده سی و اخلاق

۱- بوندیقک موضوعی : حقوقی مناسبت اوزرنده اخلاق قاعده سنک تأثیری .
۱- بوجوق تکلفی نام ایله انتشار ایدن و بونامک الهام ایتدیکی فیکری میدان
چیقارمق ایچون الزم اولان بواژده چوق معلوم بر قاج مسئله نک یکی بر تدقیقندن بشقه
برشی یوقدر . بومسئله لری یکدیگری نه یاقلاشدیره رق حقوقک ، اک عملی قسمندده ، اخلاق
قانوننک تحت حکمنده اولدینی کوسترمکه چالبدشه جقم . بو ، یکیلکیله دکل ، فقط اخلاق
ایله حقوقک قطعی بر تفریقی تعلیم ایدلیدیکی بر دورده یکیدن یاپلش اولدینی ایچون فائده
عرض ایدر .

عنواننک دلالتنه رغماً ، فلسفه چوق موضوع بحث اولیه جقدر . اخلاق قانوننک
موجودیتنی تأکید ایچون اوزون اوزون فلسفه یایمق اندیشه سی اولدینی کبی ، حقوقی
برآژده بوقانوننک اساسی اثبات ایتک ادعاسی ده یوقدر . موضوع بحث اولان حقوقی فلسفه
ایله ایضاح ایتک دکل ، بلکه حقوقده فلسفه دن نه موجود اوله بیلدیکنی کورمکدر . هم ده
صوک عصرده اخلاق ایله حقوقک مناسبتی حقنده انتشار ایتش اولان اثرلریکی بر تجربه
قلمه هیچ ده مساعد دکلدر : بوبابده اجاله قام ایتش اولان فیلسوفلر اولدجه فنا
حقوقشناس اولمق عثابنه اوغرادقلری کبی ، حقوقشناسلرده بوبخنده اوصاف مکمله لری
تهلکیه دوشورمشلردر . بوراده بوحکمک مسندی اوله جق مثاللر ذکر ایدلمه سی ، مثاللرک
موجود اوله مسندن متولد دکلدر .

هر حالده ، کرک بونقطه و کرکسه دیکرلری حقنده کندی کفایتسزلیکمی بیان ایدرم .
بوموضوعی لایق اولدینی وجهله موضوع بحث ایتک ایچون ماضی به چیقمق واطرافه کافی
درجه ده باقق لازم کله جکدی . بونی یایمق ایسه . نم ایچون ممکن دکلدی . بعض یرلرده

بولنه بیله جك اولان تاریخی معلومات قلاسیك اثرلردن آلمشدر؛ بعضاً اجنبی قانونلر ذکر ایدلمش ایسه ده بونلرده لایق اولدقلری وجهله تدقیق ایدلمه مشلردر. بواثرده یالکز حال حاضر فرانسز تشریعنك، فرانسز اجتهاد محاکمك فرانسر مسلك علمیه سنك سیری حقنده بر قاج کوروش واردر. حیات حاضرده، سعی فکرنك یابلدینی شرائط ایچنده انسان وظیفه سنك حدودینی بیلملی و غیر مکمللکی حس ایدیان اثرلری ده نشر ایده بیلملیدر.

بوندن بشقه، یامق ایستدیکم شی ایچون بالخاصه مهم اولان، فکرلرک فهرستی وجوده کتیرمکدر. ایشته نیم یابه جفم یالکز بودر. حال حاضر، بعضی حقوقیسنده کندی کندینه کفایت ایدن بر حقوق وجوده کتیره جك حاله واصل اولشمیدر؛ یوقسه حریستیان اوروپا ملتلرینك روحی عصرلردنبری اداره ایدن بیوک اخلاق قانونك تحت حکمنده میدر؟ ایشته تدقیقاً تمزك اصلی موضوعی. بوتدقیقاً لك بداعی Original فارقه سی، حقوقك اگ عملی قاعده لرنده اخلاق قانونك درجه قیمتی بولمه چالیشمقدردر. برحقوقشناس آنحق بونی یابه بیلیر. شبهه سز حقوق قاعده سنك بواخلاق فارقه سی کشف ایدرکن حقوقی فکرلرک تکاملی و بعضی مؤسسات اطرفنده کی شبهه لر و مناقشه لر ده ایی اکلاشیله جقدردر. هر حاله بواثر دیکرلرینی دعوت ایده بیله جك و بوسبیله، مسلك حقوقیه قطعی بروجیه تعیینته خادم اوله بیله جکدر. غیرمعین بر زمان ایچون تأخر ایتمسندن قورقاسه ایدم، مع الممنونیه نشرنده تأخر کوستره جك اولدیغم بواثردن دولایی عفورلر نمی ایدرم.

۱

۲ وجیهه نظریه سنك مجرد سجهیه سنك ساحه سی - ۳. بو نظریه ده اخلاق قاعده سنك حقیقی موقی - ۴. اخلاق قانونه رعایتده جمعیت سیاسی ایچون تجلی ایدن اهمیت - ۵. حقوق و اخلاق آره سننده کی فرق - ۶. حقوق ایله اخلاق ضروری اولان تفریقنك حقیقی سبی.

۲ - اخلاق قاعده سنك قیمت حاضره سی حقوق مدنی وجیهه به متعلق اولان قسمنده تحریری به چالیشه جفم عائله حقوقنده بونك ارانه وائباتی چوق قولای ایسه ده وجائب حقوقنده موضوع بحث اولان اموالك استحصال، تداول و انقسامی تنظیم ایتمکدر. حقوقی مناسبت ثروت و خدماتك اگ آبی استعمالنك تأمین اوزرینك مؤسسدر. علی الاکثر حق صاحبلری کندی مناسبتلرینی سربست بر صورتده تنظیم ایدرلر. واضع قانون نظام اعلائی تحق

ایستد بر مک ایچون خصوصی تشبثاته اعتماد ایده رک اراده و فعالیتلری اجرای حرکتده سربست بیراقیر؛ حقوقشناسده بومناسبتلرک بر ریاضیه سی وجوده کتیرمکدن ذوق دویار. «هر تشریحی ازده، ساله ی دیبور، وجانب ماده لری اساس اعتباریله نظری ومجرد بر قسم تشکیل ایدر... احکام حاضرده منطق حقوقینک ایده آل افاده سی اوله رق تظاهر ایتمکک متایلدر»

بو مجرد بر حق تلقیسی استبصار علمی به مستند کورونیور. روما حقوقشناسلری طرفندن کالنه ایصال ایدلمش وروماده کی اشکال وتعبیرلریله بزه قدر انتقال ایتمش اولان وجانب نظریه سنک دائمیلکی، بوتون ملتک احکام تشریحیه سننده، بووجانب نظریه سی اداره ایدن وعمومی بر حقوق موضوعه نك قبوله مساعد اولان قاعده لرک یک شکلکی حقوقشناسلر طرفندن بو حقوقی حرکت کینرین تطبیقی اصوللرک استعمالی وبواصوللری قبول ایدن ملتکک اوللری سهولتله تطبیقی، بوتون بونلر، ساله یک مقاولات ووجانب حقوقک دائمی، منطقی ومجرد سجه سی حقنده کی اشارتک دوضرولغنه اینانمغه سائق اولور. عیاء صوکعصر حقوقشناسلری یاشادقلری دورک علمی واثباتیه جی روحک تحت تاثیرنده دکلدرلر؟ تطبیقاتک قیمت واهمیت، حقنده الدانیورلرمی؟ بوطن اولنه بیلیر ومناسبتک ریاضیلکی ادعاسی حقوقشناسلره نظراً وجیه نك اخلاقی قیمتق تدقیقندن کنیدیلرینی وارسته قیلان بر سبیدن بشقه بر شی دکلدر. صوکره نظریه نك بودائیتی وبویک شکلکی، بوراده اخلاق قانوننک حقوقه ویردیکی قوتک نتیجه سی اولوب اولمدینی ودنیانک طانیدینی یکی اخلاقک حقیقنده، قدیم رومواجیه نظریه سی، ظاهری لایتغیرلکی آلتنده دیکشدیروب دیکشدیرمدیکی سؤال ایدلمزمی؟

حقوقی وجیه نك بویله بر نوع خفی حیاتی وار ایسه، وجیه نك حقوقی طاله کیرمسی ایچون اکاسی لارم کلن تطبیقی شکل آلتنده، بو حیاتی بولمق لازمدر. حقوق قاعده سنک منجمد شکل آلتنده، بوقاعده نك دوغوشی، حیاتی وزوالی اطرافنده، فکر بشرک اونی ارزو وکاله ایصال ایتسنی، یاخود اونکله مجادله ایتسنی موجب اولان اسبابی افهام ایتک اعتباریله، بوندن ده حراتلی بر تدقیق یوقدر.

مقصد کلر ایله ویا عمومی سهیل دستورلرله اکتفا ایتک دکلدر. هرکس بیلیرکه مثبت حقوق آز ویاچوق عدالت فکری اوزرینه مؤسسدر وبرچوق مؤسساتک بوفکری تطمین ضرورتنه مبنی اولدینی اراهه ایتمین بر شی یوقدر. واضع قانون وحاکم طرفندن

حقوق قاعده لرینک تطبیقنده اخلاق قانوننک تأثیر و نفوذینی آراشدیرمق ایستبورم؛ و اخلاق قانونندن، نه بیله ییم نه قدر کنیش اولان عدالت مفکوره سی دکل، عصری غرب جمعیتلری اداره ایدن و ایمان، عقل و وجدان ایله، ده سادده اوله رق، اعتیاد و حرمت بشریه ایله الزام ایدلمش اولدیغندن دولایی مطاع اولان چوق صریح قانونی اکلا یورم.

بو حقوقی قضیه، قانوننک واضع قانون طرفندن احضارنده، حاکم طرفندن تطبیقنده، حقوق شناس طرفندن تفسیرنده اجرای نفوذ ایدر. حقوقی عالم کرب نظریات و کرکسه تطبیق قانده هر درلو اخلاق قیغوسندن آزاده اوله رق نه درجه یه قدر تعضی ایده بیلور؟ اراده لربک و فعالیتلربک قانونی نتیجه لرینی قاعده لندیرمک، سرمایه ایله سعبک مبادله سنی تنظیم ایتک موضوع بحث اولدینی زمان مجرد حقوقی بنیانلر اولدنجه کنیش برآیده آله می یوقسه اقتصادی ضرورتلره می ابتدا ایتدیر یله بیلیر؟ و صوکره حقوقی مناسبتلربک مقاوله لرینی یازمه قله، اولنربک شکل لرینی تبدیل ایتمه کله می وقت کچیر یایر؟ یکدیگرینه حقوقی بر مناسبتله مربوط اولان دائله مدیونک عینی جمعیه داخل اولان و اخلاق عالینک قرده ش دیدیکی انسانلر اولدینی و اخلاق قانوننک برینی دیگرندن منافع استحصالنه، خدمت بکله مک، و یا خود، دیگرینک هر حالده کندیسینی اضرار ایتمه مسنه مساعد اولدینی درجه ده برینک حقوقی، دیگرینک وجایی اولدینی اصلاً اونو تمه مق لازم دکلیدر؟

تطبیق تحیلربک بتون مساعیدنک، حقوقی مناسبتنده، مناسبتدن بشقه برشی کورمه مک ایچون، انسانلری اونو تدور مق اولدینی و ایکی پاتریموان آره سنده کی مناسبت اولق اعتبار یله وجیهه نک اولنره حقوقی ترقینک صوکه کله می کی کوروندیکی دوشونولنجه، قانون اخلاقدن بو استعانه نک بعض حقوق شناسلره حقوقی فکرلربک ترقی سنده غریب برار تجماع کی کوروله چکی ظن اولنور. فقط یکرمی سنه دنبری تصور ایدیلن و قسماً آلمان قود سیویلندن ملهم اولان حقوقی بیانلربک، حقوقی تلقیمزی، اطمئنان بخش هیچ برشی ویرمکسزین غریب صورتده مظلملشدیردیکی ا کلا شلمقده در، اسکی فکرلره رجوع ایتمش اولق اتهامی کوزه آله رق بو کون بشقه بریولده تدقیق قانده بولنق درپیش ایدیله بیلیر.

۳ — اخلاق قاعده سی اول امرده، اخلاق ک مرد و د کوردیکی غایه لر ایچون حقوقی شکلک سوء استعمالی منع ایتمه کله چالیشدینی زمان قاعدوی افعوله سنده تدقیق ایدیله بیلیر. مختاریت اساسنه مقابل طرفین ایچون اخلاق قانوننه حرمت ایتک مجبوریتنی، مادون حالده بوانان و دیگر عاقد طرفندن استثمار ایدلمش اولان عاقدک حمایه سنی میدان کتیر بر؛

عدالتك مقلولده حاكم اولمىسى، عقدك نتايجىك عدم مساواتىدن ضعيفلرك استىمار ايدىلش اولدىنى اكلاشيله جغنى اوكره تير. ضعيف برارادهنى اكن قدر تىكار برارادهك افادهسى اولان مقلولرلر حقتده شېه ايراث ايدر

حقوقك غير محدود اجراسنه قارشى، برملكهك خصائصنى نزع ايتىمكده برعدالتىزلك اوله بيله جگنى، داتىك، مديونى كندىسنه باغليان مقلولدن تولد ايدىن دعواسىك تحقيق وقتىش ايدىسى لازم كلدىكى، حاكمك، برحق اجرا ايتىك ادعاسنده بولان شىخسىك هانكى فكر وهانكى غايه ايله حركت ايتدىكى تقدير ايتىسى ودعوى مشروع اولمىنى تقديرده رد ايله مىنى مفيددر.

اخلاق كذا، حق صاحبلىرى تحريك ايدىن حسياتىدن اندىشه ايدىسى، حس نيت اصحابىك حمايه اولمىسى، جيله وسوء نيتله حركت ايدىلرك نائل مظاهرت اوله ملرى، جيلهك وحتى جيلهكار فكرك تعقيب ايدىسى لازم كلدىكى تدريس ايدر؛ حقوقك بومقصدلى تحريده وتاماً انفسى اولان بووضعيتلرك تدقيقنده هانكى نقطه يه قدر كيده بيله جگنى كورمك لازمدر.

ديكر برنقطه نظردنده واجب الرعايه برخط حركت فاعدهسى اولدىنى وقت اخلاق فاعدهسى حقوق ساحه سته كيرر ومحاكمك مظاهرتى طلب ايدر. ديكرىنى بغير حق اضرار ايتىمك وظيفهسى مسئوليت مدينهك اساسيدر. ديكرىنىك ضررينه اكتساب ثروت ايتىمك وظيفهسى بلاسبب تزبيد اموال دعواسىك منشائيدر؛ بركون، اقربايه معاونت ايتىك وظيفهسى ده قانونيت اكتساب ايدى بيليرمى؛ بومسئلهلر، مقلولات فوقدكى وجيهلرك اساس وساحه سته عائد اولان اك غير مسئلهلرى اورته يه چيقارمقسزىن موضوع بحث ايدىلر، بولمك بونلرك موضوع بحث ايدىلر مىنى كندىلرندىكى مېمىئدىن ايلرى كلكدهدر.

خلاصه، اخلاق فاعده سىك برصورت حقوقيه اكتساب ايتدىكى زمان، بعضاً حقوقك حدودلى اطرافده دولاشورق، هيچ دكلسه طبعى بروجيه شىكلنده نظر اعتباره آلتمىنى طلب ايتدىكى كورورز؛ فضله منطقى فكرلرك اوزلاشه مادقلىر بوواجب الرعايه اولميان وجيهلرك منظردهسى حقوقى حياتك از مراق اوراولميان منظره لرندن بريددر. ايشته حقوق ايله اخلاقك مناسبلىرىنى كندىلرندىكى بولمغه چاليشه جغمز باشلىجه وجهلر بونلرددر.

۴ — سیاسی جمعیتده رسمی بر اخلاق اولدینی قبول ایدلمش اولدقجه حاکم لرك بوكا حرمت ایتدیرمکه مکلف اولمسنده حیرت ایدیله جک برشی یوقدر . ده ایدیسی اولنلرك غیرت لرینی تعدیل ایتک واسکی حقوق شناسلرك دائما یایدق لری کبی وجدان ایله شئون خارجیه آره سنده کی فرقی اولنلره در خاطر ایتدیرمک لازم کلیر . دین وفکر حریتی مدنی حریتک اشکالی کبی ملاحظه ایدلدیکی ، دین و اخلاق بحثنده قوای عمومیه نك تمامیه بیطرف اولسی ممکن اولدینی ظن ایدلدیکی کون ، جمعیت مدنیه نك ، هیچ کیمسه نك وجدانه تخطی ایتدیکی ایچون بیطرف و بتون حق صاحب لری ایچون مطاع اولان بر حقوق وجوده کتیردیکی تعلیم ایتک لازم کلدی . اوزمان حق و شناسلر حقوق ایله اخلاق خط واصلی چیزمکه واستبدادک فضیله حرمت وسیله سی آلدیده مه سی ایچوق مانع لره وجوده کتیرمکه صرف ذهن ایتدیلر .

بونلره لرغیب ایتدکلرینک فرقه وارمادیلر . حقوق ، دستورلرینک سرتلکنده و مجرد قاعده لرینک عمومیتنده ، فعالیت بشریه ، دائما ثابت قالمق لره برار ، ملایم برخط حرکت قاعده سی ویرمکی بیله مدی ، وحا کم اخلاق قانونندن استعانه نك حقوق قاعده سی تقویه و تخفیف ایتمکه و مکمللشدیرمکه خادم اوله جغفی ا کلا دیلر .

شیمدی ده حرب دولایسیله دوچار خرابی اولان عالمک احبای ضروریسی سعی و فراغی استلزام ایتدیکی بودورده استحصال ایتک ویا تصرف ایتک خصوصنده کی صبر سزاشتیاق لر اخلاق اولدینی قدر جبر حقوقیه ده یان چیز یورلر . انسانلر ، عملی شکل لرك تطبیقنده قورنازلق کوستره رک ، بوشکل لری کندی مقصد لرینه کوره استخدام ایتمکی و فعالیت لرینک دوچار عتاب اولیه جق بر شکلده واقع اولدینی خصوصنده ظواهری تأمین ایتمکی بیلیورلر . واضع قانون وحا کم بوقید وجدانیدن آزاده انسانلرك محکومیتنی وحق لرنده اتخاذ ایدیلن تدابیرک مشروعیتنی اخلاق قانونندن استعانه ایتمکه مجبوردر .

چوق زمان وارکه اخلاقه مستند اولیان قانونلرك بوشلغندن دولای فریاد ایدلمکده در ، فقط قانونک مطاعیتنی تأمین ایتدیکی اخلاق قاعده سنک بوشلغندن ده فریاد ایدلمیدر . اخلاق قاعده سی واضع قانون ویا حاکم طرفندن تصدیق ایدلدیکی وقت ، واضع قانون ویا حاکم کندیسنه اعطا ایتدیکی مؤیده سایه سنده حقوق قاعده سی اولور و جمعیت سیاسیه ده انسانیتک کمال اخلاقیسنی تأمینیه خاص اولان نظامی حکمران قیلار . مع هذا ، اخلاق ایله حقوقک عنعنوی تقریقنک جمعیت سیاسیه نك شرائطندن بری

اوله رق تصدیق ایدلیدی ده اونودولسا ملیدر . آشوش تهاکه سی دائما فضیلتی حاکم قیلمق ادعاسی اورتیه آنان مستبد اداره لوده موجوددر . مسئله ، اخلاقی فکرلرک تسکاملنی تأمین ایتمکدر ، چونکه حقیقی مدنیت ، جمعی الک مکمل انسان ایله کماله ایصال ایتمک وعینی زمانده ، مدنی قدرتک وجدانک محترم لکی اوکنده توقیفیله ، انسانلردن کنیدیلرینی

قانونه اتقیاد ایتدیرن اسبابی صور مقسزین ، حریت بشریه حرمت ایتمکده قائمدر . ایسته وجیه نظریه سنده درکه بومسئله بتون وضوحیله اورتیه قویولمش بولنور . چونکه ، ایکی شخصی علاقه دار ایده بیلن بوجوق بسیط مناسبت حقوقیه ده ، حقوقک قضائی تعضیمی ایجابیله ، وظیفه قانون اخلاقیسی ادراک اولنور . فقط بومسئله به تماس ایتدن اول بومسئله یی حله مساعد اولان حقوقی اصلاحات حقنده کی عمومی فکرلری عرض ایتمک قائده دن خالی دکلددر .

• — قلاسیک فرانسر نظریه سی اخلاق ایله حقوقک ساحه لری عینی اولمیدیغی مرکزنده دره . اخلاق دائره سیله مرکزی مشترک اولان حقوق دائره سنده انسانک جناب حقه وحق کنیدیسته قارشی وظیفه لرینی امال ایده رک قریبی حقنده کی و طائفی و کذا دیگر کام وظائفده عدالت و طیفه سی ایله رحم وشفقت وظیفه سی آراسنده کی تالی تقسیمی نظر اعتباره آلماملیدر . حقوقک ساحه سی آنجق اخلاق طرفندن تعلیم ایدیلن عدالت وظیفه لرینی تنظیم ایتمکده دره . حقوقی ساحه نک بونجیدی سیاست حریت پرورانه تعضیسنک ابی رعمده سی اوله بیلیرسه ده ، نظری اوله رق قابل مدافعه دکلددر . انسانک کرک جناب حقه وکرکسه نفسنه قارشی وظائفنک حقوق طرفندن تأکین ایدلمه سی ایچون هیچ بر سبب یوقدر ، وواضع قانون بونی علی الا کثر یامیشدر . حتی حقوق مؤیده نک یالکزجه حقوقی وظائف ملاحظه سنه حصر ایدیلرک معاونت ومظاهرت وظائفنک سیاسی تشکیلات خارجده بیراقیلمسی جوق دار برتلقیدر .

همده بوشکل قبول ایدیلنجه عدالت وظائفی ایله رحم وشفقت وظائفی آره سنده کی حدودی تثبیت ایتمک وعدالت وظائفی آره سندن قانونی مؤیده ایله مطاعتلری تأمین ایدلمک ایسته نیلرلی تفریق ایتمک ایجاب ایدر ؟ بوده حلی قولای بومسئله دکلددر .

حقوق ایله اخلاقک ساحه لرینی تفریق ایتمکدن صرف نظرله حقوقک یالکز افعال ایله مشغول اوله رق انتظامه و اخلاقک نیات ایله مشغول اوله رق فردک کمال دروینسی تأمینه خادم اولسی ایلری سورومک صورتیله قاعده لرک وصف وماهیتلرینی غایه لریله تعیین ایتمک تثبیت ایدلیدیکی زمان دخی جوق ترقی کوسترلمش اولیور .

اخلاق ده فعل ایله نیت آره سنده فرقلر وجوده کتیر مشدر، و اخلاق محترم لکنی انسانی اعلا و مکمل قیایورسه، بو کیفیت ا کمل برنظام اجتماعی تأمین نتیجه سنی حصوله کتیرر حقوق هر نه قدر افعال ایله مشغول اولور ایسه ده نباده لاقید دکلدر. حقوقک یالکمز جسملری حمایه وظیفه سیله مکلف اولوب، بو وظیفه نک روحلرک حمایه سنه شامل اولمدیغی سویله مک چوق غریب اولور، فردک اخلاقه لاقید قالنجه ارتق جمعیده کی رولنی ایفا ایتمز.

۶ — حقیقته اخلاق قاعده سیله حقوق قاعده سی آره سنده، ساحه، ماهیت و غایه خصوص سنده هیچ بفرق یوقدر، بواوله مازده؛ زیرا حقوق عدالتی تحقق ایتمک مجبوردر و عدالت فکری ایسه اخلاقی بر فیکردر. فقط آره لرده یالکمز بر صفت ممیزه فرقی واردر. اخلاق قاعده سی قطعی بر امر و ایریشیله جک غایه ایچون ضروری اولان خارجی بر مؤیده سایه سنده حقوق قاعده سی اولور. اخلاق قاعده سی حقوق قاعده سی اوله رق تطبیق ایتمکله تجسد و قطعیت کسب ایدر. بوقاعده واضع قانون طرفدن تأیید ایدلدیکی وقت، کندی کندینه کفایت ایدن مؤسس نظام حقوقی ایله هویتی توحید ایدلدیکندن کندیسنه اساسی خدمتی کورن اخلاق قاعده سی اولمقدن چیقار. ارتق مؤیده سی اولان بر قاعده اولور. اطاعتک اسبابی آراشدر مقسزین مطاع اولقله اکتفا ایدر. حقوق ایله اخلاقک بوتفریق جمعیت سیاسی نه کده شرطیدر. بوتفریق قدرت سیاسی بی، انسانلرک انکار ایتمه لرینه مساعد ایتمکسزین مقدس سجه سندن تجرید ایدر. بوتفریق قدرکه قاعده نک اصدارینه سبب اولان اخلاقی و یادیغی تلقی اوکنده روحلری ا کمکسزین حق قاعده سنه جمله نک اطاعتنه آلور شلیدر، چوتکه، هر کس، افعالی عمومی قاعده یه توفیق ایدرک، اطاعت ایتمدیکی قانونه رضای درونی بی ردایتمکده سربستدر؛ مثبت حقوق ایله عدالتی توفیق و توحید ایدرک مثبت حقوقی نظامده کی غیر قابل حل اولان عدالت مسئله سی اورته دن قالدیرر.

فقط مثبت حقوقی نظامک بوتمامیتی تصدیق اولورکن، بو نظامک کندی کندینه کفایت ایدر بیله جکنی ومدنی قانونلرک اساسلرینی قدرت عمومی ده و غایه لرینی اجتماعی صلحک حکمران اولم سنده بوله بیله جکلرینی ظن ایتمکدن اجتناب ایتمیدر. قیمتی اثبات ایتمک ایچون موجودیتندن باشقه اسباب بولمیدیغی زمان مثبت حقوقی نظامک تمامیتنه اینانق شونی سطحی برکوروشدر.

اگر حقوق خط حرکت قاعده لرینک مجموعه سندن بشقه برشی دکلسه ، اداره ایدنلرک کینی برمحصولی ویا موجود حال اجتماعینک محصول طبیعی اوله رق کورونور . اخلاقی وحقوقي مناسبلر حقنده صرف ذهن ایدن کیمسه یه یکیدن و ضروری اولان تفریقندن صوکرادها قوتلی اوله رق ، حقوق کوکندن کسيلمش برحالده ، یالکز تطبیق قوثیله یاشایه بیلیرمی ؟ یوقسه تکاملی آنجیق کندیسندن اخلاق عصاره سنک جولاننه می وابسته در ؟ مسئله سى موضوع بحث اولور .

۲

۷ . مسئله نك حقوق طبیعی مسلكنده صورت حلی — ۸ . اون طقوزنجی عصر فرانسز مسلكنده حقوق طبیعی — ۹ . قلاسیك مسلكك تركی و محتواسی متحول برحقوقي طبیعیك التزام و مدافعه سى — ۱۰ . ژه نینك حقوق طبیعیك غیر قابل تنزیل اولدیقى حقنده کی تجربه سى — ۱۱ . دوکوی وهوریو — ۱۲ . حقوق طبیعی مسلكینك تركی دولایسیله موضوع بحث اولان مسئله

۷ — حقوقي مفكوره جیلك افاده سنى اوزون مدت حقوق طبیعی مسلكنده بولدی . بومسلك حقوقي الهیادن آیرلیدی و برنسلك ظلمنه قارشى میدان چیقیدی زمان دوغمشدر . جناب حقندن برشی طلب ایتمه یین وانسانلرده برشی ترك ایتمه یین برمسلك لازم ایدی . عقل ، طبیعده یازیلی اولان بوجقوقي کشف ایتدی . تعبیر شه سز اسکیدر . والهیا تجیلر عقل بشرک قیمتی تنزیل ایتمکسزین بونی استعمال ایتمشلردر . سن طوماس *jus natural* دن بحث ایدرکن ، انسانك ، طبیعت انسانییه اك موافق کلن قانونلری یالکز محاکمه سنك انواریه کشفه مقتدر اوله میه جفی انکار ایتمدی بو طبیعت و محاکمه ده جناب حق طرفندن احسان ایدلشدر ، طوماس اخلاقی ، حقوقي مفكوره یی دینی مفكوره دن تفریق ایدم میوردی . ضروریوس حقوق طبیعی یی لادینی برشکله افراع ایتدی و مکتب بوصورتله تأسس ایتدی . زیرا حقوق طبیعی فکری ، یالکز عقل بشری یه استناد ایتدی برك صورتیه کندینه خاص اولان قیمتی اکتساب ایدر .

شه سز ضروریوس ارنده « محاکمه طریقیه تلقین ایدلش اولان » قاعده « حکمت طبیعییه تطابقه کوره ، برفعلى ناحق ویا اخلاقی اوله رق توصیف ایدرو « خالق طبیعت اولان جناب حق ، برنی محاببت دیکرینی محکوم ایدر . » (کتاب ۱ ، باب ۱ ، § ۱۰) دیر

لایب نیچ ده عقلک، « روح لر مزده الهی بر صورتده شعله دار اولان عقلک » ادراک ایتدیکی نظام الهیدن بحث ایدر . بوفندروف مؤمنه توجه ایدن الهیات ایله ، انسانه توجه ایدن اخلاقک چوق واضح برتفریقنی وجوده کتیرمشدن . پروتستان حقو قشناسلر ، باربه یراق ، بورلاما کی ده اونکله برابر حقوق طبیعیه نك مدرسلری اولمشلردر .

مسلکی زنکی نلشدیرن یکدی کیری متعاقب کن حواری لرده قارت ایله عقلیه جیلک فکری نی لوق ایله فردلرک حقوقی تلفیسی ، قیزیوق راتلرله نظام طبیعی مفهومی ، اسکی مقاوله اجتماعیه فکری نه روسونک ویردی کی محتشم تکاملی ، اقسیقلوبه دی فیلسوفلرینک ملحدانه عقیده لرینی قید ایتک لازمدر . بوتون بونلراون سکزنجی عصرده براشدیلر و تک سیاسی بر فیلسوف بوفکرلرک تحکمندن یاقه سی قورتارده مدی . او عصرده قانونلرک شکل و تکاملی حقنده اک صاحب معلومات اولان موتنه سکیو اساسلرینی خرافه لر دن دکل « طبیعت اشیادن » آملقه مفتحردر و هر ملتک سیاسی و مدنی قانونلرنده « عقل بشرک اجرای تأثیر ایتدیکی احوال خصوصیه دن » بشقه برشی کورمه مکده در .

بوصورتله اون سکزنجی عصر ، عقلک قانونلرینی بزه طانتدینی ، نظام طبیعی اعتقادی ایچنده یاشامشدر . انقلاب مجلسلری قانون وضع ایتک ایتدیکی زمان ، (قامباره س) ایلاک قانون مدنی پروژه سنده بوقوانین طبیعیه نك افاده سی وجوده کتیرمهک چالیشمشدر : انسان الهی مذهبدن یاقه سی قورتارنجه یالکیز برملکة روحیه دکل ، اوکنده اکیلمک لازم کن عالی برقوت اولان عقلی تشخیص ایله بو عقل الهه سی تقدیس ایدر .

۸ — قودسیویل بوفلسفی فکرلرک هیچ بریزی احتوائتمز . یوکسک برحس عملی به مالک اولان حقو قشناس محررلر برنجی ماده سی حقوق طبیعیه نك موجودیتنی اعلان ایدن مقدمات بابی لایحه سی اورته دن قالدیردیلر . فقط شه سز بومسلکک استخفامی دکلدی ؛ اون ایکنجی سنده حقوق طبیعیه به هرکس اینانیوردی .

حتی بوکا اوزون زمان اینانیلمشدر و حالاده اینانلر واردر . اون طقوزنجی عصرده پارلمنتو کرسی سنده و باروده ایراد اولنان رسمی نطقلرده تصدیق ایدلشدر . ۱۸۴۸ سنه سنده علوم مغنوبه اقاده میسی بونی دولت مسلکی اوله رق عرض ایتدی .

فلسفه حقوق کتابلری و حقوقی انسیقلوبه دیلر ، که بالنسبه چوقدر ، آرجون بونلردن ماهمدر : لهرمینیه ، ژوفروا ، به لیم ، اودو و بزه دهایقین اولان شارل بودان ، آ . ژوردان ، غلا سسون ، بوآهل ، روت . دوواری - سومیه ر .

مسلكك محافظه ايتديكى يالكز عنعنوى مذهب دكلدر . صوك عصرده بويكى برشكل
اكتساب ايتدى . اول امرده ، حرنيرورانه فرديجيلكله اداره ايديلن وانقلاب اساسلرينه
مربوط اولان بر جمعيتك ترجيح ايتديكى بر مسلك اولدى ، صوكرافات مكيتنك ، كه بو
آلماياده حقوق طبيعیه مكيتيدر ، وفات فلسفه سنك نفوذى آلتنده قوتلندى . فات
فلسفه سنك ، بوندن متعال سجييه سى رفع ايدرك ، مسلكه بر خرابى تخمى ادخال ايتمش اولمى
ممكندر ، فقط بودر حال فرق ايدلز وبوفلسفه نك انسانه وريدكى خط حركت قاعده سى
رسمى وظيفه فلسفه سنه مكملاً توافق ايدر .

بتون بونلر آز چوق كندش برديجيلكله قاريشقدر . يالكز جناب حقه ايمان وحقوق
طبيعیه ، فاكه نك تعبيريله ، حال تشككلده الحاددن وحال افتراقده حريستنانلقدن وجود
بولان ، برنوع لاديني ورسمى بر مسلك اولمشدر . حقوق شناسلر ايچون نه امين ونه موافق
بروضيت ! عقلك يشرى قانونلر عدايتديكى وكندى نفس برلرينك رهبرلك ايلديكى ،
تواقصى اكمله خادم اولدينى شيلره قولاق وبره جكلردر . اكر مثبت حقوق طبيعیه ، هر هانكى
برخصوصده قاعده احتوا ايتمزه ، حقوق طبيعیه به مراجعت ايديله جك ، قانونى قاعده
حقوق طبيعیه اساسانه مغاير اولدينى تقديرده ، عدالت بوقاعدى محكوم ايتديكندن ،
قاعده زوال بوله جقدر .

حقوق مدنيه جيلر بومسلكدن ملهم اولمقده درلر . دومولومب مثبت قانونلرده انسانى
وجعيله قابل توفيق بيوك قاعده لرك تحصيلنى كوردى . دومانت بوقاعده لرك عموميتنى اعلان
ايتدى . بو اهل بتون مؤسسات حقوقيه نك تصنيفى وبونلرك حقوق طبيعیه به موافقتنى
تقدير ايچون بركتاب يازدى . شارل بودان شايان دقت اولان كوچوك بر كتابنده مثبت
حقوقك تدقيقه مقدمه اوله رق حقوق طبيعیه به مطالعه ايتدى .

ماضيده اوزاقلره كتمك ايچون اخيار زحمت ايتمه حاجت يوق . بونك ايچون ،
فى الحال قلاسيك اثرلر اولان حقوق مدنيه كتابلرينى آچق كافيدر . پلانيول « حقوق
طبيعیه ، كندى موضوعنه ارجاع ايدلديكى تفهيمده عاليدر » چونكه « تشريعك على
قاعده سيدر » واكر واضع قانون بونى نظر اعتباره آلامزه « ناحق وقنا بر قانون ياممشدر »
دييور . اميرواز قولن وقاينان « على الاكثر ياپيلدينى كى حقوق طبيعیه به قارشى استغناص
ايتكدن اوزاق اولدقلىرى » بيان ايدرلر .

۹ — مختلف اسباب ايله حقوق طبيعیه دن بوايمدسز استغافه لرده بولنانلر ، آرتق

دوغمیه جق اولان بر عقیده حالا اینانغه چالیشان مفکوره جیلردر . بو حقوق طبیعی اساسلرینک تحقیق تجربه ایدلمدکجه ، یاخود تحقیق تجربه سنک ایلک هیجانیه عقل طرفندن امر ایداش اولان مثبت قانونلرک فائقینه اینانیه بیلیردی . بوکون بو عقل اداسنک ساده جه جمعیت بشریه نك بردورینک ، ملت نامی آلتنده طوبالانان بر جزؤنک تلقیسی اولدیغندن کیم شبهه ایدر .

مکتب تاریخی فرانسه ده ، علوم حقوقیه ساحه سنده بیوک نفوذ مالکدی ووجوده کتردیکی فکری دیکرلری کبی علومه ادخال ایتدی . عمومی ولایتیه حقوق طبیعی اعتقادی صورت قطعیه ده تخریب ایتدی حالا ، حقوق افکار عمومیه ایله کندی کندینه وجوده کلیشی تلفیسنده بر نوع نظام طبیعی اعتقادی وارد ، تکامل فکری ، عقلک ، دروننده اخلاقی قانونلر اصدار ایتدیکی بونظامی تخریه کافیدر .

زمانمز حقوق شناسلرندن هیچ بری مکتب تاریخنک نفوذندن کندیسی قورتارمش اولمقله افتخار ایده مز . هپسی ، اولجه فرانسز عقلیه جیلکندنه کی اشیانک نظام طبیعی سنک واضح کوروشنی غیب ایتمه مک ایچون ، آلمان علمندن چوق فیض آلمشدر .

همده ، ستامله رک « وحدتی شکلی و عمومی قیمتی » « ممکن الحصول » ، ملایم ، دایما متحول و جمعیت حیاتنک تاریخنچی و تدریجی مسلكلریله وجود بولمش اولان بر ماده یه ، تطبیق ایدیلن عادل حقوق تلفیسنده تکامل فکری ایله حقوق طبیعی فکری آره سنده بر نوع اوزلاشدرمه تجربه سی آلمانیا ده یاپیلدی . هرایکی مسلكدن هیجان آلان ساله ی « محتواسی متحول حقوق طبیعی دستورینی » اوندن آلمش و سهولته مطمئن اولمشدر ، شارمون « حقوق طبیعی نك یکیدن تولدینی » بونده سلاملا مشدر .

یکی برنغمه ! حقیقتاً ، کلمه لرده کی و فکر لرده کی بویه بر تعارضی آنجق بر آلمان فیلسوف وجوده کتره بیلیر بز مفکوروی بر حقوقده بر وجهه قاعده سی و اطاعتک اساس مشروعی آرییورز وایشته . بو حقوق ، حقوق قاعده لری ، تحت حکم و نفوذینه آله جنی یرده برلشدرن واولانله اولسی لازم کلن شی عینی شی یابان بر ملایمت کتساب ایدر . « نه استه زانه ونه اعتراف عجز ، دیور هوریو ، مفکوره بحسب التعریف مطلق اوله جنی یرده بویه متحول و بالتیجه نسبی بر مفکوره ... تکاملچی حالت فکریه حقوق طبیعی یه اولوم ضربه سی ایندیردی » اساس ماده سی متحول اولان بو عادل حق ، ژه نینک دیدیکی کبی ، فکره حدودسز بر غفلتدن بشقه برشی براقیور .

۱۰. — فقط بواتهامی یان استاد مشهور، شکلی تغییر ایدلمش اولان مسالک سکقوطی ایسته میوردی. اونی دوغرو لندی و کندیسنه یکی بر حیات اساسی و بردی. غیر قابل تزیل، بر حقوق طبیعی، مثبت حقوق علمی صورتده اصلاحنه حاکم اولور. دیولمه مش بر صفت، علمی بر دبدبه ایله تقدیم، بونک دوغرو لغی تأیید ایچون یکی بر فلسفهیه مراجعت و درین علم و مؤلفک بیوک اوتوریتیه سی بوتون بونلر حقوق طبیعییه، کندیسندن قاچان اساسی ویره من. ژهنی، بهوده یره، بونی، دهالی مدافعه ایتمک ایچون آز دستور لره ارجاع ایدرک عدالتک ابتدائی فکرندن عبارت اوله رق کوستردی و آفاقی عدالتی تحلیلله چالیشدی؛ بالذات کندیمی مفهومک تحلیل ایله واسکی صلابتی، غیب ایستدیکنی، عقلک ادراک ایدرک جگنی ظن ایدرکن اونک انحلال ایستدیکنی و کولک کاندیکنی کوردی. او حالده ایکننجی درجه ده عدالت فکرندن چیقان اساسلی ارشدیر مق لازمدر، فقط اوزمان ده حقوقی مؤسسات، همی بوفکری تمیل ایستدیکی ادعاسیله، بر برنجی تعقیب ایدر.

همده بواساسلی محاکمه ایتمک موضوع بحث اولنجه، عدالت فکرینه تام بر اعتقاد ایله باشلامق لازمدر بونی ویره جک اولان ضعیف عقل بشر اولماز. مفکره یی سوق ایچون شایان آرزو غایه لری تلقین ایتمه سی حدسندن بکله مک لازم کلیر. بو حدسک بسیط بر اعتقاد فردی وجوده کتیرمه مک ایچون، بتون دنیلرده، بتون فلسفه لرده فکر لر و قاعده لرک مشترک بر اساسی اوله رق آکلاسیلیدیقی کوسترمک لازمدر. حقوق طبیعی آرتق طبیعی ضعف و سقط لقلرک داخل اولدینی بشری مؤسسسه لرک بر قولکسیونندن بشقه برشی اولماز. شبهه سز، ژهنی، مسئله حقنده صوک سوزی سویابه بیله جک اولان شخصی قناعتلرک حیاتی کیزله میور. فقط حقوق طبیعی سنه بوبوک بر طرفدار کتله سی جلب ایتمک ایچون ایمان الزام ایتمکله برابر بر غسونیزم اوکامکمل بر استناد کاه کی کورونیور.

۱۱. — اخلاق و حقوق، بسیط اجتماعی حادثه لر و انسان جمعیتلرینک علم طبیعی سنک مبادیمی حاله قویان بر مسلکدن قاچنق ایچون اجتماعی مکتبه مربوط اولان حقوق شناسلر طرفندن یاپیلان تشبیهات ده ده آ زشایان تدقیق دکلدر. دو کوی، حقوق قاعده سی دورقه ایتمک استنتاجی اوزرینه تأسیس ایچون شایان حیرت بر اینجه لکله قوتلی بر اثر وجوده کتیر مشدر. فقط کرک حقوق طبیعی نک مبهم بر دوامی ایله اولسون، کرک اقتدار عامه یی جدودسز بیراقان حقوقی بر اثباتیه جیلکدن هر نه بهاسنه اولورسه اولسون، قور تلق آرزوسیه اولسون، اولان شی اولسی لازم کان شی عدایده رک حادثه لرک مشاهده سندن

قاعده است. استخراج ایتک ایستین غیر قابل تلافی بر تناقضدن قور توله میور. حقوق قاعده سنک موجودیتی علمی بر صورتده اثبات ایتدیکنی مهم بر اثرنده تأیید ایتمکده در. بو تأیید، علم حاضرک مطالباتنه مفکوره جیلککرنندن فدا کارلرده بولنمه مجبور اولمه مقله بختیار اولان بر چوق تلید قازاندردی.

اصوللرینک وفکرلرینک تخالفنه رغماً، هوریو، حقوق طبیعی بی اجتماعی اصول ایله بولنمه تشبث ایتدیکنی زمان عینی فکرون ملهم اولمشدر. برنوع بشر وارد، بناء علیه بونوعک بر قانونی وارد، دیور، نوع بشر اخلاقیته تمایزاید، انسان ذکاسیله غیر نرهم سی آره سنده کی موازنه سنک نقیصه سی اصلاح ایچون خارجی برخط حرکت قاعده سی آراء، فقط بوتطابق غیر مکمل در، عدالت مفکوره سنه قارشو هیچ برشیئه دلالت ایتمین اختلاف شیم و اخلاق بوندن منبعشدر. بتون عالی مدنیلرده بولنمی لازم کان اخلاق قانوننک بر ثابیتی وارد. اکر بو مفکوروی حقوق، یالکز تحفظ ویا نوعک فائقی فکرینه ایتنا ایدن نوعک حقوقی ایسه مفکوره نرهمده در؟ اکر نوع بو عالی اخلاق مفکوره سی تمایلی کندیسنده طاشیور ایسه بونور نرهمده شعله پاشدر؟

۱۲ — بو تشبث البته صوکنجی اولمه جقدر. یکی بر فلسفه، عالی دویوله مش بر صورتده ایضاح ایتک اداسیله فکرلری جذب ایتدیکنی و بر اختراع علمی حیات وقوت حقنده کی معلومات مکاتبه منی آلت اوست ایتدیکنی وقت حقوق طبیعی نک بو یکی فلسفه ویا علم اوزرینه ایتنا ایدن یکی بر مدافعه سی تجربه سنه کیریشن بر حقوق شناس بولنه جقدر. بو تجربه لر دائماً جالب دقت و ماهرانه اولور؛ بونلر ایریشمک ایچون هیچ بر واسطه ارائم ایتمین، مفکوره یه دوغری اولان تمایللردن بشقه برشی تمایل ایتزلر.

حقوق طبیعی نک علمی صورتده مدافعه سنده کی هر یکی عقامت، بر آزده فکرک قوتی کتورر. یکی نسللرک اسکی مسلک ایچون تعلیم ایتدکلی قورقودن بحث اولونیور، قورتو دیمک فضله اولور، دها زیاده استخفاف دیمه لی. یکی نسللر، حقوق طبیعی نک یاشامق ایچون کنجشیمک ایتدیکنی کوردکلی وقت حقوق ایله مثبت نظام حقوقی بی عینی شی، یابان حقوقی اثباتیه جیلکده کی بارد وضوحی ترجیح ایتدیلر؛ حقوقی آنجق، اخلاقی اجتماعی واقعه لرک مشاهده سنه ارجاع ایتمکله علوم اخلاقیه میانیه قبول ایتدیلر.

متعدد عصرلردن بری کندیلرینه الویریشلی بروضیت ویرن حقوق طبیعی دن محروم اولان حقوق شناسلر حقوق قاعده لرینی، اجتماعی قانونلر اولدینی ادعا ایدیلن قانونلر اوزرینه

تأسیسہ جالشدیلر . اوزمان یکی فکر لر دکلسده یکی کلمه لر میدانہ چیقدی : تساند ، موازنہ ، ترابط ، یارادیجی قوت کبی ، واجتماعی بر حقوق موجود اولدینی اہمیتلہ تعلیم ایدلدی . بوتون دنلر ، اساسلرک قطعیتسزلکی اوکنده کی اندیشہ یہ تبدیل قیافت ایتدیریورلدی . شکل formule فکرک برینہ کچدی ، وشکلرلہ اینانیلدی .
مع هذا مسئلہ بر طرف ایدیلہ من . برقاج عصر ظرفندہ حقوق طبعیہ نظریہ سی
اؤریشلی بر صورت حل میدانہ کتیردی . اخلاق ایلہ حقوق بر برندن خبردار اولقسزین
عینی زماندہ نصل موجود اولور ؟ حقوق نہ درجہ یہ قدر اخلاقی تأیید ایتلمی و اخلاق
دستورلرینی حقوق قاعدہ لری شکلہ کچیرملیدر ؟

۳

۱۳ — قدرت عمومیہ بی منحصر آ حقوقک مثبت بر تلقیسی اوزرینہ تأسیس ایتک
ضرورتی - ۱۴ کذا مثبت نظام حقوقنک تعدیلندہ اخلاقدن استعانہ ایتک ضرورتی - ۱۵
قانونلرک تعدیلندہ و حاکم طرفدن تطبیقندہ اخلاق قاعدہ سنک اہمیتی - ۱۶ عمومی و ہم
عدالت فکرینک کفایتسزلکی - ۱۷ حقوقک تحققندہ دینی اخلاقک قیمتی - ۱۸ بر
اخلاقک غلبہ سی ایچون یابیلن مجادلہ نک اہمیتی .

۱۳ — حقوق قاعدہ سنک کفایتسزلکی دولایسیلہ اخلاقدن استعانہ ایتمدن اول،
اخلاقدن نہ ایستہ یہ بیلہ جکمز حقندہ واضح بر فکرہ مالک اولمق لازمدر . حقوق قانونلرہ
اطاعت ایتکدن بشقہ برشی طلب ایتمز ؛ اطاعتک اسبابی روحلرک اسراری اولہرق قالیر .
قدرت عمومیہ مؤیدہ بی تأمین ایدر ، اطاعتک اسبابی حقندہ حساب صورماز .
حقوقی اثباتیہ جیلکک بزہ نام براطمٹان ویرہ میہ جکی بدیہیدر ، زبرا حقوق قاعدہ سنہ
اطاعتی بالذات حقوق حسیلہ ایضاح ایتمز ، حالبوکہ حقوقک اساسنک اک واضح بر شعورینہ
مالک اولمق ایچون علمی مناقشہ نک داخل اولمدینی اخلاقی بر عالمہ کیرمک لازمدر .

ہر انسانک قدرت عمومیہ یہ تابعیتک وقانونلرک مطاعتنک اسبابی ایچندہ آرادیفی عالی دین
و اخلاق ساحسہ حقوقشناس قبول ایدلہ مشدر . انسان ، سن پول ایلہ برابر ، ہر قدرت
عمومیہ دہ الہی بر قدرت کورور ، حکومتی اشیانک نظام طبعیسی ایلہ ، یاخود اخلاق
وشیمک تکاملی ایلہ محاکمہ ایدر ، امر قطعی بی آرار ، یاخود حادثاتک خشین ایجابیلدی
اوکنده اکیلیر ، شخصیتنی بوکستیر ویا جسم اجتماعنک بر ہجیرہ سی اولہرق ملاحظہ

ایدر، سیاسی جمعیت نقطه نظرندن فلسفه‌سی انتخابده سربستدر، قانونلره میدان او قومه مقتدر دکلدر.

مدنی قدرت عمومیه حقوقی ساحهده صیقی صورتده تحدیدایدیلره، روح بشر اخلاقی فکرلر ساحه‌سنده سربست بیراقیلیر. اطاعت آرزوسی ایضاح ایتک میلندن صرف نظر ایدن حکومت آدمی عدالتک بک فضله بشری صورتی وجوده کتیرمکه مجبوردر، و، عدالتله مؤسس نظام حقوقی بی عینی ماهیته قلب ایتدیکی کبی، پاسقالک عدالتله قوتک عینیتی حقیقه‌کی وجیهه‌سی کنیدی کندینه ایراد ایدر.

هر نه قدر اوزون مدت ایمانک وحدتی حقوقی دین فکریله یاشانمغه خادم اولمش و بو وحدتک زوانندن صوکره، عقل بشرک عمومی ولایتیغیر حقوق طبیعی قاعده‌لرینی قبول ایتدیردیکنه اینانمش ایسه‌ده، سربست فکر عصری اولان زمانمزه بر وحدت اعتقاد حالی وجوده کتیربله من. سیاسی ومدنی حریتک شرطی هر فردک وجدانی باغلامقسنزین قاعده‌یه تابع اوله بیلمسی ایچون، نظام حقوقی ایله دینی و اخلاقی تلقی بی تفریق ایتمکدر. اداره ایدنلر وضع ایتدکلری قاعده‌یه حرمت ایتدیرمیدرلر. حاکمیتلرینی، قدرتلرینی اجرا ایدره رک تأیید ایدرلر؛ حقوق قاعده‌سی بالکسز کنیدی قوتنه استناد ایدر. بوقاعده‌نک حقوق طبیعی ویا اخلاقه موافق اولوب اولمدینی صورولماز.

۱۴ — شیمدی مثبت حقوقی نظامک تعدیلنه کچوروز، حادثات تبدیل شکل ایتمکده در و حقوق ایله اخلاقک مطلق تفریقنک تحققی غیر ممکندر. جمعیت بشریه، بعضیلری طرفندن انکار و بر چوقلری طرفندن اخلال ایدمکله برابر، محترم ومطاع اولان اخلاق قاعده‌لرینی طایمقده در؛ بو اخلاق قاعده‌لرینی واضع قانون و حاکم مؤیده ایله مجبوری قیلار، اهماال ایدر و حتی بونلرله مجادله ایدر. هانکی خط حرکت اختیار ایدلمیدر؟

ایشته حقوقی اثباتیه جیلکک صریح کفایتسنزلیکی بوراده کورولیور. شبهه‌سنز بعض تشکیلات حقوقیه قاعده‌لرینک تعدیلنده اخلاق قاعده‌سنک له وعلینده بولنمغه احتیاج یوق ایسه‌ده مؤسسهره و اساسلره کلنجه قاعده‌نک وصف اخلاقیسنی کیزله مک خصوصنده صرف جهد ایدلسه‌ده اخلاق قاعده‌سی برطرف ایدیله من.

بونکله برابر، بر جوق حقوقشناسلر، مسئله‌نک اورتیه قونمسی ایسته‌سنزلر. لا اخلاقیلک اونلره یظراً رسمی مسلکدر او تقدیرده حقوقده عملی وتطبیقی بر شیددر. تطبیقی حقوقک اهمیتنی انکار ایتک عقلمدن کچمز، فقط بونی جوق دقتله تدقیق ایتمش

اولانلردن بری ، موسیو ژه فی ، کندیسند بر خط حرکت آرانسی ایجاب ایدن بر
تفسیر اصولیه اکتفا ایتش اولسندن دولای دوچار مؤاخذه اولدیغندن متحیردر .
کندیس حقیقه دیکر لرندن ده شدد اوله رق ، غیر مکمل عد ایتدیکی شینک یکیدن
تدقیقه قویولمشد .

قضائی نیانلری ، بونلری ایجاب ایدن تاریخی ، عقلی ، مفکوروی تلقیلردن تفریق
تمکنیدر ؟ موسیو ژه فی حقوق خصوصیه علم ایله تطبیقاتک مناسبتلرینی آراشدیره رق
موهوب ایله انشائی آرسنده کی فرق عرض ایدرسده بو فرق صنی کی کورونیور ،
چونکه موهوب بانینک روحنده بر موجودیت خارجییه مالک دکلدر . واضع قانون ویا
حاکم مهرانکی اخلاقی بر تلقییه ، شخصی ویا الزام ایدلش بر تلقییه مالکدر و بو تلقی
قانونلرنده ویا حکملرنده افاده ایدر ایشه بو معناده درکه اخلاق حقوقک برناظمیدر .

۱۵ — واضع قانون اقتداری تمیل ایتدیگندن اراده سی غلبه ایتدیرمه که چالیشیر .
فقط بو اراده جمعیت بشریه ده حال فعالیتده بولسان دیکر قوتلر ایله مقیددر ، اخلاقی
قوتلری نظر اعتباره آلامق تام بر تحلیل یا پامقندر . دینی اعتقادلر ویا عنعنلر ایله ، یا خود
معاقله ایله بعض اخلاق قاعده لرینه حرمت ایدنلرک و بونلری کرک کندیلری و کرکسه
دیکرلری ایچون مطاع عد ایدنلرک فکرلری واضع قانونک اهل ایدمه جکی بر قوتدر .
بو قوت مؤسس نظام حقوقینک مدافع ویا مخاصمیدر . جبر سیاسی ، قانونی مؤیده یی لهنه
اوله رق تحت انحصاره آلمشد . بونی محل اولان قاعده نک رفعی ، تحفیفی ویا خود شکنک
تبدیلی ایچون مجادله دوام ایدر .

اداره ایدن کیسه نک مهارتی بو اخلاقی قوتی ده ، فکری و اقتصادی قوتلری
استعمال ایتدیکی کی ، کندی لهنه استعمال اتمکده در . بر قانون اخلاق مفکوره سیله
مناسبتدار اولدیغی تقدیرده بونک مطاعیتی سهولته تأمین ایدیلیر ؛ قانونک مطاعیتی وظیفه نک
بالاختیار و نمونیتله اجراسنه استناد ایدر ، مؤیده سی مؤثر اولور ، چونکه وظیفه یه قارشی
سرکش طاینان عضولری چاربار . بالعکس ، قانون جمعیتک اخلاقی مفکوره سی رنجیده
ایدسه ، تطبیقده کی مشکلاته رغماً ، اخلاق مفکوره سنک شکلی تبدیله موفق اوله جفی
و بشقه بر مفکوره نک افاده سی صورتنده کورونه جکی کونه قدر ، تام بر صورتده مطاع اولمز .
اخلاقک مداخله سی یا لکنز حقوق قاعده سنک تعدیلنده دکل ، قاعده نک تطبیق
وتفسیرنده واقع اولور . حاکم خصوصی حاللرده واضع قانوندر . اوکنه کلن دعوا جیلرک

قارشیسندمه اداره ایدن روانی ایفا ایدر . قدرت سیاسی اونک حکمنی قانونه منقاد قیلمشدر ، چونکه تدبیر عمومی ، نظام خصوصی حقنده منتظم معامله به مساعده ایتک و کیفیلی بر طرف ایتک غایه سی تعقیب ایدر . فقط قانون ساکت ، مبهم و یا غیر کافی اولدینی زمان حاکم حق افاده ایتک خصوصنده مطلق بر اقتداری حائزدر . ارتق حاکم صلاحیتی ، اجتهادک نفوذی مدافعه ایدیلیر ؛ قدرت سیاسی به قارشی قدرت فکریه یو کس تیلیر . حاکم کندیسنه سویانن شیرلی استماع ایدر ، قرارنده هر شیدن اول قانون اخلاقی ملاحظه سی محسوسدر . عدالتی حاکم قیلمغه مجبور اولدیغه قانعدر . منفعت عمومیه ملاحظه سندن زیاده نصفت ملاحظه سنک تحت تأثیرندهدر . حق علی الا کثر واضع قانونک اہمال و یا نسیانی یوزندن حق قاعده سنک تطبیقی بعض احوالده مخل اخلاق اولدینی زمان ، حقوق قاعده سنه قارشی اخلاق قانونک مطاعتنی التزام ایدر .

بو وجهله اخلاق حقوقک اصلی بر ناظمیدر . بویالکیز حقوق شناسک استناد ایدمه جکی وهی بر عنصر دکلدر ؛ بو بنیانی س-وق ایدن واونی ییقمغه قابلیت اولان حیاتدار بر قوتدر . مناسبترینی تنظیم ایتدکری انسانلرک موافقت و رضالری استحصال ایدمه مدیکندن دولایی نه قدر قانونلر اولو اوله رق قالمشدر .

۱۶ — مع هذا ، اخلاقی مفکوره به طمانیت و بر مک ایچون حقوقک عدالتی حکمران قیلمسی لازم کلدیکنی سویلکله اکتفا ایدیله من . بر طرفدن ، بو عدالت فکری مستقر خط حرکت قاعده لری وجوده کتیرمک خصوصنده چوق مبهمدر و مؤسس قاعده لرک حق اولدق لری قبوله قولایقله تشبث ایدلمشدر . دیگر طرفدن ، حقون خصوصیه منک عدالت فکریله اص-دار ایدلمه مش اولان قاعده لری واردر ، مثلاً مرور زمان و دلیل حقنده کی قاعده لر . واضع قانونک بعضاً اخلاق فکرینی سکون جمعیت ضرورتلرینه فدا ایتدیکنی تصدیق ایتک مجبوریتی واردر .

پاسقال ، عدالت فکرینک قولایجه قابل تصدیق اولمدیغنی سویلور . افلاطونک ، ارسطونک ، سن طوماسک ، غروچیوس و قانتک عینی فکرك اماملری اولدق لری سویلنه بیلیر . بو مسالکله واعتقاد لر خلیطه سندن هیچ بر خط حرکت قاعده سی استخراج ایدیله من . دنیاده نه وحدت مسلک ونه اشتراک فکرو واردر . هر نه قدر اوزون مدت ، حق وحدت ایمانک یوزانندن بری ، حقوق طبیعی فکری محافظه ایدیله بیلیمش ایسه ده ، بو ، یکی لادینیلکله رغماً ،

خریستیانلغک اساسی صورتده موجود اولمسن ددر . فقط حال حاضرده و معین بر مملکت ایچون اعتقادک و اخلاق قاعده لرینک وضعیتلری حقنده مناقشه موجوددر .

غیر قابل تزیل حقوق طبیعی عدالت فکرینه ارجاع ایدلرکی زمان بوقدر مبهم بر فکردن مثبت حقوق تعدیلی ایچون نه بکلنه بیلیر ؟ هر یرده ، طبعنک بزه عینی عدالت تمثالی و بر دیکنه اینا مقدن واز چکدک . عدالت و حقوقک اشکال متبدله سندن بشقه هیچ بر شیء تبیین ایتدک ، وایسته بونک ایچوندرکه ، هر بریمز اینان دیغمز مفکوره بی تحقیق ایتدیرمکه چالیشه رق حقوق قاعده سنک بومفکوره بیه توافق ایتسی ایچون مجادله ایتمکده بزه .

۱۷ — « اخلاقی و حقوقی فعالیت اداره ایدن دستورلرک اساسی نام بر اطمینان و متین بر قاعته قطعی بر شکلده آله ایتک ایچون ، عالمک عمومی مفهومی ، انسانک جوهر و ماهیتی و بوعالمده موجودیتنک و منشأنک سرینی و مقدرتنک معما سی اکلماق لازمدر » ایشه بوضو رنه موسیو ژنی مسلکی بیان ایدیورسده هر کس طرفدن قبول ایدیلرچک اولان بر عدالت مفهومی در میان ایتک ایچون بونی ترک ایدیور . موسیو هوربیو « بزه جمعیدن خارج ، فرددن خارج اخلاق قانونی وجوده کتیرمک لازمدر » دیور .

حقوق شناس حقوق خریستیان بر اخلاقه ابتدا ایدن بر جمعیت انسانییه تطبیق ایدلمسی ایجاب ایتدیکنی اونوته ماز . بو اخلاق ، انسانک غایه لرینک خصوصی تلقیسیله ، یالکز قریبنک حرمتی تأمین دکل فقط روحک تکاملنه ده خادم اولان بر سلسله قواعدا الزام ایدر . بو ، انسانک جناب حق ، دیگر انسانلر و بالذات کنیدیسی حقنده کی وظائفنک چوق واضح بر مجموعه سیدر . بو اخلاقی قاعده لرک مطاعیق ، انسانک منافع خصوصیه سی ، طبیعی خودکاملغنی رنجیده ایتدیکنی نسبتده کوچلکه ممکن اولور . مدنیت بو اخلاق قاعده لری غلبه ایتدکجه یوکسلیر ، حقوق ، حقوق قاعده لری اوله رق انسانلرک مناسبترلرینی اداره ایدن قاعده لره نصل لاقید قاله بیلیر ؟

اخلاق دینی نامنه حقوق قاعده سی الزام ایتک موضوع بحث اوله ماز . بو حریت فکره مالک اولان جمعیت حاضرده قبول ایدیلر میه چک اولان بر وضعیتدر . فقط بعض حقوق قاعده لری واردرکه ، بونلرک کنیدیلرینه اساس خدمتی کورن اخلاق قاعده سندن بشقه مشروعیتلرینی تأیید ایده چک بر شیء یوقدر . وبالذات بو اخلاق قاعده سی ده هر هانکی بر دینی تلقی ایله کسب قوت ایدر . بو ، اسباب در میانندن معافیق موجب اولماز . سن طوماس دایما قاعده نک تطبیقی عقل و تاریخی دلائل ایله مدافعه ایتمکه چالیشمشدر .

بواسباب، قناعت توایدینه باعث اولورلر ایسه ده صورت مطلقه باشلی باشنه مقنع دکلدرلر. مثلا، تاریخک ونور عقلک درس لرینه کوره ازدواجک غیر قابل فسخ اولسی لازم کلدیکنی کیم ایلری سورر!

اوحالده قانونک اخلاق طرفندن الهام ایدلیدیکنی قبول ایتمین، وحق روحیوندن اولیان و (یچه) ایله برلکده خریستیانلغه دنیا ده اسیر اخلاقی حکمران قیلدیفندن دولای لغت ایدنلره قارشی حقوق قاعده سنک قیمتی حقنه نه کی اسباب ارا نه ایدیه جکدر؟ بزبونلرک هپسفی اقناع ایدمه یز. ندقدر حشین اولورسه اولسون، قانون جمعیت حالده یاشامنی ایستهن کیمسه ایچون قانوندر. قانونی الزام ایتک ایچون ده قوتلی اولق کافدر. بوکله یی قدرت سیاسی نه استعمال کیفیسی معناسنده اکلامه ملیدر. ده قوتلی اولق دیمک، حق صاحب لرینی، هر هانکی دینی و یا اخلاقی برتلق ایله الزام ایداش اولان قاعده لک یاییله جک اولان آک ای قاعده لر اولدیغه اقناع ایده بیلیمکدر.

۱۸ — فلسفی مناقشه لردن بیزار اولان حقوق شناسلر بهوده ره بیطرف قالمق ادعاسنده درلر. بونلر حقیقتاً بیطرف اولسه ایدیلر، عدالتک افاده سی کی ملاحظه ایده جکلری مؤسس نظام حقوقینک حیرانلردن بشقه بر شی اولیه جکلردی.

بعضلری بویله دوشونیور وقانونلر ایله قرارنامه لری ایضاح ایتیمکله اکتفا ایدیورلر. بر حقوق شناس یالکیز قانونک منلرینک منابعی ایضاح صدنده اجاله قلم ایدن مهارتلی تطبیقاتچی اولمه ملیدر، حقوقدن اخلاق مفکوره سه کیمکه چالیشمیلدر وقدرت فکریه نک بر جزنی اولدیفندن، قناعتلری ایچون مجادله ایده رک بوقدرندن استفاده ایتیلدر.

بوتون خریستیان قاعده لرینک حقوق قاعده لری اولق موفقیتی آله ایده بیلیمسی چوق شیئه متوفقدر. بونلردن بر قسمی، مثلا قرینک سمی بر متاع تجاری کی نظر اعتباره آلمدن منع ایدن قاعده کی، حقوقی حیا نه زورله واصل اولمشدر. بر قسمی ده، مظاهره اخوتکارانه کی، هنوز بوساحیه داخل اولمه مشدر. جمعیت حاضرده بعض فکرلرک ظفری ایچون یاییلان مجادله حرارتیلدر. بومجادله ده اوموزلرینه یوکلنندن بشقه قوتلره منقاد اولان معتدلر، خریستیان اخلاقک مدافعی دکلدرلر. دیکرلری براخلاقک ظفری ایچون مجادله ایدن حالبوکه، قیمتی تقدیر ایتدکلری بو اخلاقی امر ایدن عقیده لری قبول ایتمکدن امتناع ایدن ایمانسز خریستیانلردر. بوصورتلدرکه، جمعیت حاضره، اعتقاده آک حرارتلی اولانلرک اخلاقده دائماً ترقی آله ایتیمکسزین خریستیانیلشمشدر. زوجین

پیشده کی وظیفه متقابلیه تقویه ایدن حقوق ، تحریر ابوتیه مساعده ایتدیکی وقت چوچنی
حایه ایتدی ، غیر اخلاقی مقاوله لری منع ایتدی ، مسئولیتی تزیید ایتدی . بغیر حق تزیید
امواله مساعده ایتدی ، حقوقك سوء استعمالی منع ایتدی . سرمایه دارك استثمارینه قارشی
عملیه حایه ایتدی . هفته ده بر کون استراحتی تأمین ایتدی ، فضایح اخلاقیه قارشی
مجادله ایتدی . وبر کونك توزیعنده عدالتك تأمیننه چالیشدی . خریستیان غایه لرینی تحقق
ایتدیردی .

بر آن اینانیله بیلر وحالا بعضیلری اینانیرلرکه حقوق علمی کندی کندینه کفایت
ایدر . علم اجتماعی حقوق قاعده لرینک تعدیل و اصلاحنه ضروری اولان معطالری احضار
ایتدیر . حالبوکه علم اجتماعی بر واضع قانونه الزام ایده بیلدیکی نك بر عمومی قانون میدانه
کتریمکه موفق اوله مامشدر .

۴

۱۹ وجیهه نك علمی و اجتماعی تلقیسی - ۲۰ وجیهه تاقیدسندنه خریستیان اخلاقك
قیمتی ؛ بو اخلاقك نفوذی آلتنده نظریه نك استحاله سی - ۲۱ اخلاق فکری نك تشریع ،
اجتهاد محاکم و مسلکده کی نفوذی .
۱۹ - شیمدی وجیهه نظریه سنه دو تنجه بوندن اولکی فکرلرک قولایلقله یاییلان
تطبیقاتنه تصادف ایده جکزر .

تطبیقات حقوقیه ایچون انتخاب یری ! حقوشناسلر ، مناسبات حقوقیه یی ، هیچ
دکله ، حادثه لرك استیصارندن منبث اولانلرده ، اخلاق فکرلرندن استعانه ایتمکسرین
احداث ایتمکه ، استحاله ایتدیرمکه ، احاطمکه مقتدر اولمی دوشونیورلر . بو صورته
هرهانیکی بر وجهه دن محروم اولدقلرندن ووجیهه نظریه سنك تصورلریم کیفیه کوره تشکل
وتبديل شکل ایتسندن شبه ایتدکاری کورولیور .

بواصول حقوقی حقتده بر فکر ایدینلمك ایسته تنجه موسیو دوموغ طرفندن وجائب
حقتده نشر ایدیلن بویوک اثری اوقوملیدر . تدقیق ایدیلن مسئله لرك کثرتی و تحلیلده کی
ایجه لک حسیله شایان دقت اولان بو اثر حقوقی مؤسساتی متین برتاقی به کوره محاکمه
ایتمکده در . وجیهه لر نظریه سنده اخلاقی دستورلرک استثناد ایده بیله جکلری موقعی
کوسترمک موضوع بحث اولنجه موسیو دوموغ ، مبهم تعبیرلر ایله ، « بیوک اجتماعی

جریانلر، عقل ایله الزام ایدیلن حدودلر دولایسیله تکرر ایدن مساعیدن « بحث ایدیور: اخلاقی وجیهه یی بعضاً حضور ارزوسنه ارجاع ایدیور، بعضاً، اخلاقی نظامک اراده نك فوقنده اولدیغنی قبول ایدیور. بو اخلاقی نظامی « اجتماعی قوتلرک اهنکدار تکاملی، ایله عینی ماهیتده کوریور. معاملاتی تصویب ویا رد خصوصنده قانون و اخلاقه کوه نیور. بلا سبب اکتساب اولان ثروتک مطالبه واستردادینی حضوری تأمین و پاتریمواندها فضله برمئات ویرمک ارزوسنه بنا ایدیور. مسئولیت مدنیه بختنده امنیت و حضور، تساند، اجتماعی عکس عمل و تأمینات ملاحظاتی ترکیب ایتمکه چالیشیور. فقط بوقدر مبهم فکرلرک امین بروضعیت ویره میه جکری کورولیور. کذا مؤلفک تنقید و تحلیلی آتیلغان دکلدرد. وعلی الا کثر حادثات اوکنده اکیلرک مقررات قضائییه ایله وجوده کان قاعده لری متین عد ایدر.

عینی بوملاحظات اجتماعیه و جائت نظریه سی حقنده یکریمی سنه دنبری نشر ایدیلان اثرلرک کیتنده ده مشهوددر. بو اصول علمی اولق صفتی یالکز کندیسنه حصر ایتمک ادعاسیله، عصری کورون هر فکری درجه کافیه ده تدقیق ایتمکسزین قبول ایدنلری و آنجق جمعیه قارشى مدیون اولغی ادعا ایدن بنون مسلکری جذب ایتدی بو علمی فکرلرک نفوذینی بالخاصه مسئولیت مدنیه نك مطالعه سنده قید ایده جکیز.

۲۰ — اکر وجیهه نظریه سنه وضوح ویرمک ایسته نیورسه بونی اخلاق اساسلرینه ابتدا ایندیره رک ایشه باشلامق لازمدر. انسانلر آره سنده اخلاق تفتیش ایتیه جکی مناسبتلر وجوده کتیریلر من. حقوق شخصیه منافع خصوصیه نك ایی امان مجادله لری ایچنده وجود بولور. واضع قانون یالکز بومنافعک استحصال و تصرفک حقیقی محرکری اولدیغنی نظر اعتباره آلفه مجبوردر. بیفویهره آمونته قودسیویلك وجیهه لره متعلق بانی ایضاح ایدرکن « بومناسبتلری تنظیم ایچون بتون انسانلرک عقلنده، قلبنده بولنان اساسلره توافق ایتمکدن بشقه برشیئه احتیاج یوقدر. بونصفتده و وجدانده درکه، رومالیر احکام قانونیه لرینی لایموت قیلان مسلکی بولمشلردر. « دیور. علاوه « نصفی ظلمته غرق ایدن بولوطلری طاغیتق « و اخلاق و فلسفه نك اک عالی واک مقدس عد ایتدیکی شیلری طر بلامق « کافیدر؛ ژوبه رده حاکمک نامنه « حقوق ایی ونصفتکار اولان شیدک تحلیلندن بشقه برشی دکلدرد « دیور.

طبیعتده بونصفت قانونلرینی آراییکز! انسان مقاوله عقد ایدر، چالیشیر، دیگر

انسانلردن اندیشه ایتمکسزین حرکت ایدر ؛ رقیب فعالیتلری قیرمه ، رقیب منفعتلری بوغمه آماده در ؛ بر حق اکتساب ایدر و بو حقوقدن قریبنی ازمک ایچون استفاده یه چالیشیر ؛ برمال آلیرکن بونک اک دون بر بدل ایله آلمسینه غیرت ایدر . بو خودکام سوق طبیعیلری انتظام آلتنه آلق ، بو انسانه غایه لرینک بو عالمده اولمدینی و قرینکده کندیسکی کبی مثال الهی اولدیغی اوکرتمک ایچون اخلاق خریستیاینک ورودی لازم کلدی . شهسز انسانلرک همجنسلریله اولان مناسبتلری اداره و روحنی تصفیه ایتمک خصوصنده خریستیانلقدن اول بر اخلاق اولدیغی ، وخرستیانلق خارجنده ده بر اخلاق اوله میه جغنی ادعا ایتمک بودالقدرد . فقط غرب جمعیتلرینک خریستیان جمعیتلر اولسی اعتباریله ، حقوقک ، مطاع اولدینی تقدیرده کندیسکی تقویه یه خادم اوله جق اولان بر اخلاقه لاقید قاله مدیغی ایجه تبیین ایتملیدر .

بو اخلاق یر یوزنده غلبه چالدیغندن ، اساساً رومالیر طرفندن یوکسک بر حد تکامله ایصال ایدلش اولان وجائب حقوقی درین صورتده تعدیل ایتمه مش اولسی ممکن دکلدرد . شهسز حقوقی تطبیقات ، رومالیرک تأسیس ایتدکلری اصولی ولسانی استعمال ایتدی . شهسز رومالیر یوناندن آلدکلری بر چوق نقطه لرده خریستیان تلقیسنی مفید اولان عدالت فکرنه مالکدیلر . فقط ، شکله آلدانه رق ، اونلرک اخلاقیه بزمنکی آره سنده کی فرقی کوزدن قاجیرمه مق لازمدر . اونلر نه ویرلش سوزک قوه محبوره سی ، نه موعود نتیجه لر بیتده کی عادلانه توازی ، نه عاقلردن ضعیفک حمایه سی ، نه حقنی سوء استعمال ایدن قارشینده حضور و آسایشی ، نه دیکرینه قارش یاپیلن ضرری تضمینی ، نه معاونت وظیفه سی طایمازلردی ؛ بونلری مثال اوله رق ذکر ایدیورز .

بو بایده روما حقوقنه مدیون اولدیغمز شیئک ، حساب قطعیمی یاپیله جق اولورسه اونک عالمانه تطبیقاتنک بزه ایفا ایتدیکی خدماتی تصدیق ایدرک ، وجیه نظریه سنک چوق متین برتلقیسنی کندیسنه عطف ایتمه مز لازم کله جکدر . ممکندر که رومانک یکیدن تولددی ، مقاوله ومسئولیت مدنیه نک دهاملایم برتلقیسنک تشککندد کلیسا ارباب حقوقنی توقیف ایتشدرد . حال حاضرده ده روما بویوندروغی فکدرلره یوکنمکده ، وهرنه قدر بعض نقطه لرده خلاصکار برانتظام الزام ایتکده ایسه ک ، اخلاقی فکدرلرک انکشافه مانع اولمقده بولنسی ده محتملدر .

و حق عنعنه‌نك قوتنه و تطبیقاتك اعتیادلرینه قارشى قویان بوفكرلرك قوتى ارشیدیرمق ایستیورم .

بو اخلاقی فیکرلرك تفوذینى، تشریعه اولدیغندن زیاده اجتهاد محاکمه مشاهده ایتمك چوق شایان دقتدر . شبهه‌سز بعض اخلاقی خط حرکت قواعدینى مثبت حقوق میانیه کچیرمن شایان دقت بر حرکت تشریعیه وار ایسه‌ده بوکى قانونلر نادرر . واضع قانون اخلاقی صورتنده کوروئمك ایسته‌مز ؛ هم‌ده بویه اولق اونك ایچون مشکدر ، زیر قانونك مجرد ، دائى و عمومى سجه‌سی وظائف اخلاقیه‌نك نامتاهى تنوعى نظر اعتباره آلفه مساعد دکدر . بالعکس حاکم متخالف منافع ورقیب احتراصلر آره‌سندده حکم و طرفینك قیمت اخلاقیه‌سنى نظر اعتباره آلفه مجبور اولور . احوالده ملتک ال ایلیرى آره‌سندن انتخاب ایدلمش اولان بو حاکم ، عنعنوی اخلاق قاعده‌لرینه ، حق اولرلى قبول ایتدیكى حالده ، حرمت ایتمکه آلیشمشدر ، هم‌ده قضائى سلسله مراتب و مسلک ضبط و ربطیه اخلاق قاعده‌سنى کنديسنه امر ایتدیكى حکمى معاملات بشریه تطبیق ایدر . حاکم طرفندن بوضورتله تخصیص ایدیلان قاعده حقوق قاعده‌سى اولور . بوقاعده اجتهاد محاکمک تدقیقه طاینیر ، و اخلاقه مدیون اولدینى شی بیلنمدکجه ، نه تماماً آکلاشیلیر و نه تقدیر اولنور .

بو قانونلرك و بو اجتهاد محاکمک هیچ بوجهه اخلاقی اولمق‌سزین تدقیق ایچون ، اوتوز سنه‌دنبرى و چائب نظریه‌سى حقه‌ده نشر ایدیلان بر چوق اثرلر فکره بر اطمئنان تام ویرمیور . مهارتله یاییلان تطبیقات ، اساسى فیکرلرك عدم موجودیتى کیزلیور ؛ فقط پارلاق ظواهر بر طرف ایدیلرک مسلک آرانجه ، عنعنوی فیکرلرك ماتحت الشعور تکررندن یاخود ، تصادفى اساسلرك غیر متأملانه تکلیف‌فدن بشقه برشى بولمیور . بو اثرلری الهام ایدن بیوک فکرى جریانلرك نه اولدق‌لرینى کورمکه چالیشمق لازمدر .

هیچ‌ده اخلاق نقطه نظرندن ملاحظه ایدیلن وجیه نظریه عمومیه‌سنى تشریح ایتمك ادعاسنده دگم . بو ممکن اوله بیلیرسه‌ده نیم قدرتمک فوقنده‌در . بن ساده‌جه برقاج مثال ایله وجیه نظریه‌سنى هانکى نقطه‌لرده اخلاقی حیانه مربوط اولدیغى و اخلاق ایله حقوقک بومناستلری آکلاشیلنجه حقوق تطبیقاتنك نه درجه‌یه قدر امنیت بخش اوله‌جغنى کوسترمکه چالیشه‌جغم . تجربه ایتهدن تصدیق ایتمك فنا بر اصول اوله‌رق کورو نه بیلیرسه‌ده ، بو مدخل ، کنديسنه اساس سالم ویره بیلن بیطرف بر تدقیق‌دن سوکره یازلمشدر .

برنجى قسم

اخلاق و مقاوله

۲۲ - وجاى وجوده كثرين بشرى اراده نك قدرتى تايد ايچون قودسيويل ۱۱۳۴ نجى ماده سنده اك صريح و قطعى تعبيرى استعمال ايدييور: خصوصى مقاوله لر عقد ايديتلك قانويدير. انقلاب دورنده كى قانون عقيدە سنى در خاطر ايدين كيمسه يه بودستور چوق غريب كورونود. بو كندى كندينه ويا لكز كندى قوتيله حقوق و وجاىب احداث ايدين اراده حاكمه تلقيسنه وصول ايچون ، عصرلك بطى تاثيريله ، فلسفه نك ، محض اراده يي كنديسنه اضافه ايتديكى مادي شكللردن آيره رق ، حقوقه روح وىرمىسى ، خريستيان ديتلك انسانلره سوزك اعتنا ايله طوتولمىسى امر ايتمى ، حقوق طبيعیه مسلك نك بالذات جعيقى مقاوله يه استناد ايتديره رك مقاوله نك فائيتنى تدريس ايتمى ، سربىقى طرفدارى فردنجى مكتبك منافع خصوصيه ايله منفعت عموميه آرم سنده كى آهنگى تاكيد ايتمى ايجاب ايتدى . مقاوله نك تام بر قوته مالك اولديغ نك تصديق واعظامى ماهيتنده اولان مختاريت اراده مسلكى آنجق اوزمان حاكم اوله ييلدى .

آرتق هر تعه دك منبى ضمنى ويا صريح بر اراده ده آرانيور و اراده نك قانونه موافق بر تعه د وجوده كتيره بيله جكى تدريس اولنيوردى . درعه ده ايديلن بروجيه انسانك وجيبه دار اولمى حقنده كى طبيعى حقنك بر تظاهر ندين و بناء عليه فراغت ايدميه جكى بر حرى نك اظهار ندين بشقه برشى دكلدى حقوق طبيعیه مكتبى بوتعه دك ارادى اولدينى ايچون ، ضرورى اوله رق ، اخلاقه موافق اولديغه هر كسى اقناع ايتدى . قانت « هر هانكى بر كيمسه ، ديكر برينه برشى يامغه قرار وىرديكى وقت هر هانكى برحقسزلق ياممى دائما امكان داخنده در . فقط انسان كندى حقنده قرار وىرديكى وقت برحقسزلق ارتكاب ايتمش اولمى ممكن دكلدر ، دييور . فوييه ده مختاريت اراده نك مشروعتنى اثبات ايچون احتيار زحمت ايتمه رك ساده جه « هر حق عقيددر عقدى دهن محق ديمشدر » دييور .

حقوق و اجتهاد محاكم تدقيقاتى بويله بر تلتقى به قارشى اعتراض ايتك اسبابى بزه وىر مكددر ! اراده حاكمه قانونى ياپار ، فقط حاكيتك خواصندن اولان بو قدرتى انسانه كيم وىرييور ؟ حرىت انسانه غير اخلاقى بر متعلق ويا غايه ايچون مجبوريت آلتنه كيرمك ايچونمى وىر لمشدر ؟

برمغذورك رضایی غیر اخلاقی کی معذور قیلا رمی ؟ متعلق اعتباریله شایان مؤاخذہ اولمان
برمقاولهده عاقدین مساوات اوزرمیدرلر، یوقسه عدم مساواتلری ، بحق اولمدیی محسوس
اولدیغدن قانونك تصحیحجه چالیشمق مجبوریتند بولندی بی عدم مساواتلردنمی در ؟ هم
جذسنك اراده و ذكاسنك موقت تغیری دولایسیله ضعف مادی وفکر یسندن استفاده یه
مساعده ایدلشمیدر ؟ مبادله ثروتك و خدماتك واسطه سی اولان مقاوله انسانك انسان
طرفدن استثمارینه وبرینك ضررینه دیکرینك بغیر حق اکتساب ثروت ایتسنه آلت
اوله بیلیرمی ؟ بالعکس همان دائما مساوات اندیشه سی ضمانتده کی عدالت مفکورده سی تطمین
ایچون هم عقد مقاوله ایدنلرک وهمده نتایج حاصله نك مساواتی التزام ایتکلکمز لازم
دکلیدر ؟

ایشته واضع قانونك و حاکمك اوکنده تجلی ایدن بر سلسله مسائل که یالکز بونلرک
موضوع بحث ایدلمسی واقعه سی مقاوله نك قوتنك صارصیلمش اولدیغی کوستریور .
فقط بوصارصیلش ، فکرلرمزك اعماقده مقاوله نك مطاعی اخلاقك اساسات اوله سندن
بری اوله رق کورولدیکی ایچون بزی حضور سزلقدن قورتارمیور . اخلاقیون ، موضوع
بحث اولان برمقاوله و یا معاہده اولسون ، سوزک طوتولسی لازم کلدیکنی تصدیق و تأییددن
خالی قالمیور . عاقدیندن برینك ، وجائی تثبیت ایدن بر وثیقہ یی بر کاغذ پارچه سی کی
استیخفاف ایتسنه مساعده ایتمیورلر . بوصورتله اخلاق مقاوله یی ، حاکمك شوویا بونتیجه یی
استخراج ایتک حقی حائر اولدی بی فکر بله آنجق ، بیقیله میه حق برانیت احداث ایتدیکی
زمان مرعی اولان اجتماعی بر واقعه کی کورولمه سی ، ویرلمش سوزدن دوغان قدسیت
سجیه سنك ، مدیونه التزام ایدلمش اولان وجدان بورجنك و یا پلمش اولان تعہده اینانمش
اولان آله جقلینك مشروع حقنك محافظه ایدلمسی توصیه ایدر

مسئله اخلاقیونك و یا الهیاتجیلرک یالکز اخلاق نقطه نظرندن حل ایتکی قبول
ایتمدکلری بر مشکلات عرض ایدر . و بونلر مقاوله نك مدیونی مجبوریت آلتند بولندیردی بی
حالی تدقیق ایدرک ، اغفال مسئله اصلیہ سی خارج اوله رق ، عمومیتله مدیونك ، قانون
مدینك وجائی ایفا ایتکی التزام ایتدیکی حدودلر داخلند ، مجبوریت وجدانیہ تحتند
بولندیغی سویلمیورلر . هرشیدن اول بروظیفه اصلیہ واردر : داتنك حقوقی تثبیت ایدن
قانونه اطاعت ایتک . قانون مدینك ، کرک مختاریت اراده اسانك ساحه سی ارشیدیردی بی
زمان اولسون ، کرک عاقدین آرمندہ مرعی قلمغه مجبور اولدی بی مساواتی مطمع نظر

ايدىدىكى زمان اولسون وكر كىه نتايج حاصله نك عدم مساواتى نتيجه سنى تعيين ايتىدىكى
واغفاله هجوم ايتىدىكى زمان اولسون بومقاوله نك قوتى قضيه سيله قارشىلاشمىسى مقدر در .

۱

افئوق مغاير مقارلات

۲۳ — اخلاقه مغاير مقاولانك بطلانى حقننه كى احكام قانونيه

۲۳ — قود سيوبلى تنظيم ايدنلر اخلاق ايله حقوقك ساحه سنى ايرىق ارزوسى
بىله مكله برابر ، فردى اراده لرك انساغى تقيد ايجون اخلاقه ضرورى اولان مراجعتى
تماماً برطرف ايدمه مشلدر . قود سيوبلك آلتىجى ماده سى انتظام عامه دن اولان قانونلرك
واجب الرعايه لكىك بسط بر تطبيقى كى ايضاح ايديله بيلير سه ده ، اخلاق قاعده سى آنجق
قانون شكلنده تخصيص دن صوكره مطاع اوله جغندن ، شرط حقننه كى ۹۰۰ و ۱۱۷۲
نجى ، علت حقننه كى ۱۱۳۳ نجى ، ازدواج مقاوله لرى حقننه كى ۱۳۸۷ نجى ماده لراخلاق
وآدابك مطاعيتله عقد صلاحيتنى آجبقدن آجغه تحيد ايتمكده در . بو مثلر موجدنجه
اخلاق قاعده سنك مطاعيتنى تأمينه موكل اولان محاكمه برحق تفيش ويرلمش اولوب ، اخلاق
عموميه نك محافظه سى موكل اولان حاكم فردى اراده لرك سوه استعمال شكلنده كى تظاهر لرى
مراقبه ايدر .

بومثلر حضورنده فلاسك مكتب اجتهاداتى دوچار مشكلات اولمده در . دومولومبك
اوزون يازىلى آلتىجى ماده اوزرنده سكيور . اوبرى ورواخلاق وآدابه مغاير علته اوزون
برقم تخصيص ايتمه مشلدر . هوك اخلاق وآدابى نظر اعتباره آلدىنى حالده ، آلتىجى
ماده نك بى لزوم اولدىنى بيان ايدىور . بودرى — لاقاينورى ورفقاسى ، هر هانكى برمتى
اخلال ايتمه مكله برابر ، اخلاق وآدابه مخالف اولان افعالى تعداد ايتمه كى لزوم كورميه رك ،
انتظام عامه بى مغل اولان شىلى لطفاً توصيف ايدىور . دوشروسى آرانير سه بومثله
مكتب ، عقد مقاوله ايتك حقوق طبعيه سنى خللدار ايدن قيد قدر ، بوقيد و تحيدى الزام
ايدن دستورك صراحتسزلكى ايله ده دوچار مشكلات اولمشدر .

مع هذا موجود اولان مثلر ، واضع قانونك مثبت حقوق ايله وضع ايدلمش اولان
قاعده لرى اكال ايجون اخلاق قانونه مراجعت ايتك لزومى حقننه كى مقصدينى اثبات

وتبینه کافیدر . محاکم بومتلرک تطبیقاتی دائماً وجوده کتیرمشدر ، ۱۱۳۳ نجی ماده نك ترجیح ایدلسی بونك دها الاستیکی ، دها زنکین وشکلنده دها کنیش اولمسنندر ؛ بونکله برابر آلتنجی ماده بی ده وبعضاً بتون بومتلرک هپسی بردن نظراعتباره المقدمه درلر . حاکمی علاقه دار ایدن غیر اخلاقی غایه نك تحریرسیدر . ناموسکارانه مقاوله شکل حقوقیسنك غیر اخلاقی خدمات و متعلقلرک مبادله سنده استخدام ایدلیکنی ، یاخود غیر اخلاقی بر آرزونك تطمیننه نقدی بر قرانجک واسطه اغفال اوله رق قوللانلیغی اکلا دینی زمان تحریر وتنظیمنده مهارت کوسترلش اولسنه وشکله توافقه رغماً مقاوله یوقدره ، حاکم حق تفتیشی موجود اولوب بوصلاحینك اجراسنده حادثه لری تثبیت ایتمکه اکتفا ایمز ، اونلری توصیف وتعریف ایدر . اراده لری تفسیرایتمز ، اکره . اخلاق قاعده سی بوبطلان مؤیده حقوقیه سیله تخصیص ایدیلرک حقوقی حیانه داخل اولور .

۱ — غیر اهلوقی مقاولرک تفتیشی

- ۲۴ ، حیانه ، شخصی بشرینك محترمیته ، حریت ، ازدواجه متعلق مقاوله لر - ۲۵ . جنسی اخلاق : بلا نکاح برلشمه وعمومخانه لر - ۲۶ غیر اخلاقی صورته ثروت اکتسابی قار ، پیانقو ، رشوت ، خاطر بونولری *Effets de complaisance* ، تحری وراثت . مشتریلرک ترک وحواله سی - ۲۷ . نقدی منفعت مقابلنده اخلاقی مفکوره بی اخلاقی ایدن مقاولات : غیر اخلاقی جمعیتلر ، ازدواج دلالی - ۲۸ مدنی وجزائی مسئولیتی قالدیران مقاوله لر - ۲۹ وظیفه اجرایی لازم کن بر معامله ایچون اجرت تعهدی - ۳۰ مقاوله لرده قورنازقله قالدیریلهمیه حق اولان اخلاقی وظیفه لرک لیسته سی .
- ۲۴ — حاکم هیچ برقانونه استناد ایتمکسزین حرمت ایتدیردیکی اخلاق قاعده لرینی ، یاخود ، ادعایه مسند اوله حق مثاللر عرض ایده جکمزدن ، اخلاق قاعده لرندن بعضلرینی کورمک ایچون مقررات محاکم مجموعه لرینی آچق کافیدر
- انسانک کندیس حقه ده کی وظائفی تصدیق ایدن اخلاق قانونی انسانک برسبب مشروع اولمقسزین حیانه ، شخصه ، حریتنه تصرف ایتهمسفی تعلیم ایدر . بونلر حقوقاً مناسبات خارجنده در ، قودسیوبلک ۱۱۲۸ نجی ماده سی بویله بر مقاوله بی ابطاله کفایت ایده جک صراحتی حاویدر . مع هذا بعض مقاولات کوریپورزکه بونلرده متعهد حیاتی تهلیکیه القا ایدر (تهلیکلی نقلیات) حریتی فدا ایدر (نفسی خدمتکارلق ایچون ایجار ایتک) ؛

اَلْقَانَمَاعِی بَر دِیْکَرِی حَسَابَنَه اِیْفا اِیْتِمَک کِی خُصُوصَاتَدَه مَقَاوَلَات قَانُونِیْدِر. شَخْصَک اَلْمَقْدَس حَقُوقِ قَانُونِی وَجَائِبْک مَوْضُوعِی اَوَلَه بَیْلِر. دَوْضُوعِی آَرَانِیْر سَه مَتْعَه دِی مَتْعَه دِلْهَک آَزْجُوق قَابِی وَضْعِیْتَه قَوِیْمِیَان وَجِیْهَه یُوقْدِر؛ مَدِیُونْک اَمَوَالِیْله اَوْلَدِیْنِی کِی جَسْمِیْلَه دَه اَدای دِیْن اِیْتِیْکِی دُورْدَن جُوق اَوْزاق دِکْز بُو صُورْتْلَه حَرِیْتِی فِدَا وَتَحْدِیْد اِیْتِمَک دَه مَقْبُول بَر غَايَه نِک تَعْقِیْب اِیْدَلْمَسی لَازِمْدِر. بَر شَخْصَک حَیَاتِی قَزَانْج اِیْچُون اَحْمَقِیْجَه تَصْرِف اِیْدَه رِک دِیْکَر بَرِیْنْک شَدْت وَجُورِیْنَه دُوجَار اَوْلْمَسی، هِیْیَچ بَر فَائِدَه حَقِیْقِیْه عَرْض اِیْتِمَه بِن تَهْلِکْلی وِیَا اِذَا وِیْرِیْجِی بَر کُوسْتَرَش اِیْچُون وَجُودِیْنِی تَسْلِیْم اِیْتِمَسی مَقْصَدِیْلَه عَقْد اِیْدِلْن مَقَاوَلَه مَقْبُول اَوَلَه مَاز. بُو فِکْرک اعْظَام اِیْدَلْمَسی دُولا یَسِیْلَه دِکْلی اِیْدِی کِه، اَوْلَرِی حَیَات حَقْنَدَه سِیْغُورْطَه عِیْر اخْلَاقِی عَد اِیْدَلْمَش اِیْدِی.

هَر نَه قَدْر هَر اِنْسَان سِی قَانُونِی دُولا یَسِیْلَه حَرِیْتِی تَحْدِیْد اِیْدِر وَاِیْتِمَک مَجْبُورِیْتِنْدَه بُولُور اِیْسَه دَه، کَرک مَدْت حَیَاتِیْلَه نَفْسِی بَر حَظْمَت اِیْچُون اِیْجَار اِیْتِمَک (قُودَس-یُویْل ۱۷۸۰ نَجْمِی مَادَه) کَرک یَا شَادِیْنِی مَدْتِیْجَه مَعِیْن بَر خُط حَرِکْت تَعْقِیْبِی تَعْهَد اِیْتِمَک صُورْتِیْلَه دِیْکَر بَرِیْنْک تَحْت حَکْمَنَه کِیْرْمِکِی اِنْتَاچ اِیْدِن مَقَاوَلَه شَايَان قَبُول دِکْلِدِر. بُو سَبِیْلَه هَر هَانْکِی بَر سِی اِجْرَا اِیْتِمَک وِیَا اِیْتِمَه مَک، مَعِیْن بَر مَسْلَکَه دَاخِل اَوْلَق وَاِجْرَا اِیْدِلْن بَر صَنْعِی مَوْبِدْآ تَرک اِیْتِمَک، بُو تُون مَدْت حَیَاتِیْجَه شُوشُور وِیَا اُودَه اَقَامْت اِیْتِمَک وَجِیْهَه سَنَک غِیْر اخْلَاقِی اَوْلَدِیْنِی مَعْلُومْدِر. بَعْض اِنْسَانْلَر کَنْدِیْلِرِیْنَه حَاکِم اَوْلَان حَرَص تَحْکَمْلَه بُو کِی خُصُوصَاتَدَه نَقْدِی فِدَا کَارَانْلَر اِخْتِیَار اِیْدِرْلَر. بَر شَخْصَک حَرِیْتِی دِیْکَرک ذُوق تَحْکَمَنَه تَسْلِیْم اِیْدَلْمَه مِیْلِدِر.

دِیْکَرک حَرِیْتِی اخْلَالَه مَعْطُوف اَحْوَال اِیْچِنْدَه اَلْ فَضْلَه وَاَقَع اَوْلَانِی اَزْدُوج حَرِیْتِک عَقْدِی صُورْتَدَه تَحْدِیْدِی ضَمْنَدَه وَاَقَع اَوْلَانْدِرْدِر. مَحَاکِم نِشَان مَقَاوَلَه لِرِیْنَه هِیْیَچ بَر قِیْمَت حَقُوقِیْه طَانِمَاشْلَر وَاَزْدُوج وَاَقَع اَوْلَدِیْنِی حَالَدَه، سَر بَسْتِی رِضَانْک دُوجَار فِساد اَوْلْمَه سِی اِیْچُون بُو مَقَاوَلَه لَرِی اِبْطَال اِیْتِمَشْلَر سَه دَه مَقَاوَلَه دَه اَزْدُوج اِیْدَلْمَه سِی مَادَه سِی مَوْجُود اَوْلَدِیْنِی زَمَان جُوق مَتَرَدَد دُوار اِنْمَشْلَر دِر. اِنْقِلَاب اَحْکَامْک مَرْعِی بُولْنْدِیْنِی زَمَانْدَه یَا شَامَش اَوْلَان قُودَسِیُویْلْک اِیْلْک مَفْسِرْلَرِی بُو تُون بُو مَادَه لَرک غِیْر قَانُونِی اَوْلَدِیْنِی بَیْیَان اِیْتِمَشْلَر اِیْسَه دَه اِجْتِهَاد مَحَاکِم مَطْلُوق بَر مَنُوعِیْت کُوسْتَرْمَه مَکْدَه جُوق جَدِی اَسْبَاب وَجُوق اِیْیْجَه عَوَامِل کُورْمَشْدِر. دَوْلَغَه، اَزْدُوج اِیْتِمَه مَکَه مَتَعَلَق مَادَه یِی بَر هَبَه نِک مَوْجُودِیْتِی حَالَدَه مَحْکَمَه تَمِیْز قَانُونِی عَد اِیْتِمَشْدِر. هَبَه اِیْدِن شَخْصَک صَفْی، مَوْهُوب لَهه تَامِیْن اِیْدِلْن خِیْر کَارَانَه

منفعت محاکم اوزرنده مؤثر اولمشدر . محاکم بدخواه دكسه بيله هر حالده متحكم اولان بر اراده به مبالغه لی بر حرمت کوسترمش اولوب اولمادینی ده جای سؤالدر .

اجتهاد محاکم بر تفریق یاپدی ؛ بر شخصی معین بر شهرده وبا محله معین بر تجارت وصنعت اجراسندن منع ایدن خصوصانه متعلق اجتهاد قولایجه قابل مدافعه در : مقوله ممنوعیتك شدتیه ، متعهدی یاشامق امکانندن محروم بیراقیورسه ، یاخود جبری صورته حرکتسرلکه محکوم ایدیورسه غیر اخلاقی واکر متعهده بو وجیهه بی مشروع بر منفعت مقابله الزام ایدیور و متعهده بو فراغتک مقابلی اخذ ایدیورسه مشروعدر .

بر شخصی بر حیات قاعده سی الزام اتمک نتیجه سنه وارن بومقوله لرده حدود سبز بر اراده به غیر محدود بر تابعیه مساعدده اتمه مک ضرورتی واردر . مقوله اسارت تولید ایده من . قربنک ، سعادتیه خادم غایه لر عرض ایدلمش اولمده ، خط حرکتی تنظیم اتمک ادعای غیر اخلاقی اولدیغی کی ، دیکرک تحت قدرتمده بولندیغی ایچون ذوقندن متعم اوله میه جفی بر سعادت اوکا الزام اتمک ایسته مک ده غیر اخلاقیدر .

۲۵ — جنسی مناسبات اخلاقه متعلق اجتهاد محاکم دها شایان مراق و دقدر . جنسی تمامیت و یافردی حریتی مطمح نظر ایدن مقاولات موضوع بحث اولنجه مبهم و قولانیلی انتظام عامه مفهومندن استفاده ایدیلیر و یا اخلاقدن بحث ایدله مک ایچون انسانلرک حقوقدن استمداد اولونور .

فقط ازدواج خارجنده کی جنسی مناسبات ، اخلاقک حقوقی مناسبتله مداخله اتمه سی لازم ایسه نه سبيله اتهام ایدیله بیلیر ؛ افکار عمومی ، حتی زنا شکننده کی مناسبات ایچون بيله بیوک بر مسامحه کوسترمکده در . طلاقک تطبیقی ازدواج مؤسسه سنک قیمتی تنزیل ایدرکن سربست اتحاد بر نوع قانونی تصدیقه مظهر اولدی . اداری مقام عمومخانه لره مساعدده ایدیور ، و فضاحت فضیلت قارشیدسنده ریا کارانه یا لاقلاقمق زحمتیه قاتلانمور مع هذا ازدواج خارجی مناسباتدن دوغان چوجنی خوش کورمه بن اسکی اخلاق قانونی موجود اولمقله برابر ، محاکم بونی طایمقندن امتناع اتمور . هر نه قدر غیر مشروع مناسباتی احداث و تسهیل اتمک و دوام ایتدیرمک غایه سبيله یاپیلمش اولان بلاعوص معاملاتی ، هیه بی ، رد ایدیورسه ده . مسامحه ایدیله میه جک شی ، اخلاقک مردود کوردیکی مناسبتلری عقد و بونلرک فوایدیه اضلال اتمک چالیشان کونو اراده اولدیغندن ، مناسباتک منقطع اولسی حالنده محاکم بر حسن مرحتله حرکت ایدرک ایفا ایدیلن خدمت ایچون

اجرت و برهه مش اولدینی تقدیرده ایقاع ایدیلن ضرری تعمیر و حتی شایان عفو اولان بدبخت بر قادیك مستقبل حیاتی تأمین ایدرک قطع مناسباتی تسهیل ایچون یاپیلن هبه لری قبول ایدیور .

بومقاوله لر یالکر ، محاکم طرفندن بوسورتله تفتیش ایدیلن نکاح سرز ایکی شخص آره سنده عقد ایدلمش اولان مقاولات دکلدر . برکنجه متره س طومق ایچون یاپیلمش اولان اقراضی و بر قادیك کنديسیله یاشایان ارککک و جائینی ایفا ایدر جکفی تأمیناً یاپیلن کفالتی ده قبول ایتیمورلر .

عموم خانه لره متعلق اجتهاد لرده عینی فکرک نظامی کورولور . موضوعی حالاً تجارت خارجنده دکلده محاکم بوغرب صنعتک اجراسی ایچون بر غیر منقول صائیش وایجاری ، منقولات صائیشی بویله برایشلمک و پامبیاعه ایتک مقصدیله یاپیلن قرضی بویله بربره مسکرات تدارکی تعهدینی ، بر خدمتی کیرالامنی اخلاق عمومییه مغایر برعلت ویا متعلق اولمق اعتباریله بطلانه اوغرا دیورلر . حق ، معامله نک ماهیتی نظر اعتباره آلمسزین ، متلاوکه یاغنه قارشى سیغورطه ایدلمسنى ویا حد ذاتنده بنایه مفید اوله حق تعمیرات مقاوله لرینی ، اوبنایه عادتیی حسیله طانیهمغه طرفدار بولنیورلر .

بعض مؤلفر مقاوله نک غیر مشروع علته بناءً طانماسنده غیر اخلاقی معامله نک اعلامه ربط ایدلمسندن دهاییوک بر فالتی کورمکده ایسه لرده ، اونوتیورلرکه بومقاولاتی حقوق خارجنه قویق اولری غیر ممکن دکلسه بیله ، مشکل قیلمقدر ؛ بطلان بر تدبیر تحفظی بی احتوا ایتکده در . ماهق مشکوک اولان مقاوله لرده ، عاقدلرک انسانیتک فضیحه لری اوثرینه قرائج تأمین ایتدکری معامله لر دن متولد اختلاف لری حقوقک دوننده بیراقق لازمدر .

۲۶ — اخلاق قاعده سنک غیر محق ثروت اکتسابنه عائد تطبیقی صوک درجه ده نازکدر . شیمدیلک اغفال فکری بر طرفه بیرا قرق ، سخاوت فکرینک تماماً معدوم اولدینی بر مقاوله سایه سنده اکتساب ثروت اولتمسندن بحث ایدر جکیز . اغفال متقابل فقط غیر مساوی نتایجی استلزام ایدر . طرفیندن برینک هیچ بر مقابل آلمسزین ویردیکی و بلاعمل زیاده لک عرض ایدن مقاوله لر واردر . بویله مقاوله لرده غیر اخلاقی اولان شی ، هر تصادفی aleatoire مقاوله مردود اولدیغندن ، تصادفی صفتدن ایلری کلز ، فقط اجتماعی فائده سزلیکی و بلااستحقاق قرائج ایله فساد اخلاقی مستلزم اولمسیدر .

قار بوسبيله مروددر، چونکه اویونجی هیچ بر وجهله مشروعیت کسب ایده میان تصادفله اکتساب ثروته منتظر در. انتظام عامه، جمعیتک منفعتنه کوره قماره مساعدومساحه کار اولور ویا اونی منع ایدر، اداری مساحه بذاته غیر اخلاقی اولان بر مقاوله بی مشروع قیله ماز، قودسیویل (۱۹۶۵ و ۱۹۶۷ نجی ماده لری) دعوی حقنی طانیاز. اجتهاد محاکم قمارخانه ایشلتمکه، قار آلائی صائمغه، قار مقصدیله شرکت تشکیلنه، اویونجی به اویونده دوام ایچون اقراضه متعلق مقاولاتی باطل عد ایدر.

کذا، ولو ارتکاب جرمی موجود اولماسه بیه، بر شخصک نفوذی معقود علیه اوله رق عقد مقاوله ایدلمی ده غیر اخلاقیدر، فکری و سیاسی بر صلاحیت وقوت ده پاره ایله قابل مبادله اوله ملیدر. کذا اجنبی بر مملکتده حق جلیق یاهرق منفعت تأمیننه دائر اولان مقاوله ده، بوحال بر جرم جزائی اوله مقله برابر، حیل به مستند اولدیغندن غیر اخلاقیدر. محصور لانتک تغشیشنه خادم بر محصول فروختی ده، ایسترسه بومحصول خارج از تجارت اولماسین، غیر اخلاقیدر.

نهفه دو قومپله زانس لرده ده عینی وظیفه اخلاقیه نک نسیان ایدلدیکی سوبیله جکتر؛ بونلرله بر تجار، افلاس ایتک جسارتی کوسترمسی لازم کلیرکن، خیالی بر قره دی احداث ایدره رک ناامید بروضعیتده بوجالار، دنیلدیکی کبی، عادتا ساحتیه پاره چیقارمش اولور، غیر مشروع اوله رق طانمش اولان بر جهاز استعمال ایدره رک منابع آله ایتمکه چالیشیر. اجتهاد محاکم بونلری باطل عد ایتمی ایچون بوکافیدر.

بعضاً اجتهاد محاکم ده تردده دوچار اولور. مثلاً بر سرک صائمسنه مساعدیه ایدلمی می بعضاً اجتهاد محاکم ده، وارثله بر خفیه آره سنده منعقد بر مقاوله بی اموال موروثه نک موجودی ایدلمی می؛ وارثله بر خفیه آره سنده منعقد بر مقاوله بی اموال موروثه نک موجودی حقنده معلومات استحصال ایدن خفیه نک بونک ایچون یایدیغی مصرفی و سعبی نظر اعتباره آله رق قبول ایدر. مشتری نک صائمسی ممکنمیدر؛ اگر بومشتری آووقات و دو قنورک شخصی دکرینی نظر اعتباره آلیورسه، مشتری بی ترک ایدن، مشتری بی آلاندن بر منفعت استحصال ایده بیلیر.

۲۷ — اجتهاد محاکم اخلاق عمومی نامنه رد ایتدیکی دیگر مقاوله لره کلیورز. بومقاوله لر آنجق اخلاق فیکرندن ملهم اولسی ایجاب ایدن معاملاتی، بونلره منافع نقدیه ملاحظه سی ادخال ایدره رک، افساد ایدرلر، افعال بشریه نک پاره مقابله ذلیل ایدلمسیدر که حاکمی مداخله ایتدیریر.

بوسیله حیات اجتماعی دولایسیله ویا وظیفه لرینک ایفاسیله آرالرند معناداً تأسیس
ایتمش اولان مناسباتدن منفعت تأمین ایچون ، مثلاً اووئه ایله مباشر ، کاتب عدل ایله بر
غیر منقول صاتون آلان ، اجزاجی ایله دو قنور آره سنده عقد ایدیلن مقاوله لر . کذا
بر دو قنورک توصیه ایتدیکی بر عملیاتک اجرایی دولایسیله جراحک الدینی اجرک تقسیم
ایچون عقد ایدیلن مقاوله باطلدر . زوجین بیتنده کی معاونت وظیفه اخلاقیه سندن تولد
ایدن اشتراک مناسباتک ، برینی دیگرینک اجیری منزله سنه ایندییره جک اولان برسی مقاوله سی
عقدیله اخلال ایدلمی ده شایان قبول دکلدر .

بونلر محاکم طرفدن جوق شایان دقت بر صورتده دلالق خصوص سنده تطبیق
ایدلمشدر . اولجه محاکم ، بدل عسکری خصوصاننده یاپیلن دلالق معاملاتی خدمت
عسکرینه ک قزانجه موضوع اوله میه جفی اسبابه بناءً ابطال ایدردی . بو کونده ازدواج
دلالقنه متعلق معاملات ابطال ایدلمکده در . محکمه تمیزک بویله بر مقاوله ی رد ایدن ۱ مایس
۱۸۵۵ تاریخی قرارنده کی اسباب موجب بو کونده قوتی غیب ایتمه مشدر : « زوجینک
اموالی ، شخصی ، حیاتی وضع ایتدیکی غیر قابل انحلال بر شرکتک احضارینه مخصوص
مناسباتی بوماهیتمده بر مقاوله ، قزانج فکریله حرکت ایدن بر شخصک منفعت ومداخله سی
تشویش ایدر » زمانم زده بر جوق مؤلفر بواجتهاده معترضدرلر ، بونلر مقاوله نک غیر
اخلاقیلکنک بلکه درست و ناموسلی بر آدمک معامله سندن دکل ، فقط ازدواجک بر
شخص ثالث منفعتدار اولدینی برایش ذلته اوغر ادمسندن متولد اولدینی کور میورلر .
بونلرک ازدواج دلالق ایچون کوستردکری خوش نظر مؤسساتک لادینباشمه سنک ازدواجک
قیمت اخلاقیه سی غریب بر صورتده تنزیل ایتدیکنی اکلا تمقده در .

محاکم بر بیس ویا بر صنعتکارک قیمتی حقنده عمومی الدانه جق آلقیشجه تشکیلاتی
وجوده کتیرمک ایچون عقد ایدیلن مقاولات ایله ده قارشیلشدیلر ، فقط طانیشغلی بر تقدیر
وجوده کتیرمک ایچون یاپیلن تأدیاتی غیر اخلاقی عد ایتدیلر .

۲۸ — شخصک جزائی ومدنی مسئولیتی بر طرف ایتک غایه سی استهداف ایدن
مقاوله لرده ، اخلال حقه هیچ بر مؤیده قانونیه تطبیق ایتمه مکله اخلاق قاعده سنه تجاوزمه مساعد
اولدقلرندن ، اخلاقی عمومیه مخالفدرلر . جزائی مسئولیت خصوص سنده اندیشه ایدیه جک

بر جهت یوقدر . بوراده باره مقابلنده معافیت استحصال ایدیه من . بر شخصك دیگری طرفدن ارتکاب ایدیلن جرم جزائینك نتیجه سنه تحمل ایتك تعهدی بی فائده در . بر جرمك مغدوری ، بر تضمینات استحصال ایتش اولمغه حق تعقیبندن فراغت ایده من . بویه بر مقاوله ، ایستر جرمدن مقدم ایستر مؤخر اولسون ، باطلدر .

مدنی مسئولیت مسئله سی ایسه جوق نازکدر . اکر بومسئولیتك ارتکاب ایدلش بر خطا حارجنده تعهد ایدیه بیهلجهکی قبول ایدیلیرسه فعلك نتایجی حقنده بوجه بشین تأمینات اعطاسنه مساعدده ایدیلیدر . دیگر طرفدن ، قانونی قاعده ، مغدوره تضمینات اعطاسی وجیبه سی تولید ایتدیکی کی ، عقدی بر طوپدن تضمیناتده قبول ایدیه بیلیر . بومسئله یه ینه تماس ایده جکیز . عدم مسئولیت ویا محدود مسئولیت خصوصی ، فکرجه ، دیگر برینی اضرار حقنی صانون آلهرق ، اخلاق قاعده سی اخلاص ایدن شخصك ابراث ایده جکی ضرره مساعدده ایتك نتیجه سی تولید ایده من . اجتهاد محاکم حیلنك ویا حیلنه معادل اولان فاخش تقصیرك نتایجندن معافیت تأمین ایدن ماده لرك بطلانی اعلان ایتکده در . یو اجتهاد محاکمک تحت امنیت آلدینی اخلاق قاعده سنه حرمتدر . سربستی مقاوله ، دیگرینی اضرار ایتمه مک وظیفه سنه رعایت ایتك قیدندن وارسته اولمغه چالیشیلنجه توقف ایتیلیدر .

بومقاوله لر میانسه ، مثلاً صغیر وموکلک ، وصی ویا وکیلک رؤیت محاسبه سندن فراغتی متضمن مواد کی ، بر شخصك خیانت ویا اداره سنده کی فاخش اهلیتسزلکی صلح پرده سی آلتنده ستر ایدن مقاولانی ده ادخال ایتیلیدر . بر شخصك مسئولیتی خیالی قیله جق بروضعت احداث ایتسنه مساعدده ایتمه ملیدر .

۲۹ — مشروع وناموسکارانه برفعلك اجراسی وعدنی احتوا ایدن مقاوله لری ابطال ایدن قرارلرده واردر . چونکه وعد ایدن کیمسه بومعامله بی اجرا ایتك مجبوریتنده اولوب وظیفه سی اجرا ایتك ایچون بر اجرتیه مستحق دکلددر . اخلاقی مفکوره مزده فراغت تلقین ایده رک کمال تأمین ایتکدر .

وعدك فائده اجتماعی سی هر هانکی برشبهدن وارسته ایسه ده بر جرم ارتکاب ایتمه مک وعدی دائماباطل عد ایدلشددر . چونکه احکام جزائیه نك قطعی مرعیتی بر شخصك فداکارانی ایلله تأمین ایدلش اولمه ملیدر . بر غزته جینك بر اثر ویا شحصه تعرض ایتمه سی ، مأمورک

وظائفی اجزاده بر غیرت مخصوصه صرف ایتمی ، بر رذالت قارشیدنده سکوت ایدلمسی
 کندبیلله غیرمشرع مناسبتده بولنیلان بر قادیئک بر ازدواج تصویرینه موانع احداث
 ایتمه سی وعدی مقابلنده نائل اجرت اولمی تأمین ایدن مقاولاتده باطل اولمیدر . بوتون
 بواشیخاص ایچون ، احواله کوره اجرا ویا اجتناب بر وظیفه تشکیل ایدر ، وظیفه لرینی
 اجرا ایچونده بر اجرت طلبی حققی حائز دکدرلر . عینی اسباب ایله ، متلا عاریت ویا
 رهن اوله رق آلتش اولان مالک اعاده سی کی ، عقدی ویا قانونی بر وجیهه نک ایفاسی
 ایچون متعهده بر اجرت تأمین ایدن مقاوله لک بطلانیده اعلان ایدلدی .

قانونک مطاعیتی تأمین ایتدکلی مقاوله لک برقائده اجتماعیه سی واردر ؛ بونلر مثبت
 نظامه کوره عقد ایدلمشردر ، فقط ایفاسی ایجاب ایدن بر وظیفه نک اجراسنده بر منفعتک
 عامل اولسی بشری فعلک قیمتی تنزیل ایتک اعتباریله قانون اخلاقی بی مخلدر .

۳ — غیر اخلاقی اولملری حسیله ابطال ایدیلن مقاولات لیسته سی بوراده کسه لم .
 بولسته نام اولق ادعاستده دکدر ، علی المعناد یا بلدیفی کی ، تعداد ایتک صورتیله سببیت
 ویریلن عدم انتظام یرینه آز چوق بر تصنیف تجربه سی عرض ایدیور . لازم اولان ،
 بتون مقرراتی طوبیلامق ، یا خود ، انکار ویا تغییرینه مساعده ایدلمه یین وظائفک لیسته سی
 وجوده کنیرمک دکل ، اجتهاد محاکمک ، جمعیت مدنییه قانونی ، اخلاق وظیفه سی صریح
 صورتده تصدیق ایتدیکنی کوسترمکدر . مقاوله نک بطلاننده مدنی بر مؤیده اولدیغنده
 الدمه لیدر ، بوبطلانی استلزام ایدن مجبوری الرایه قواعدک موجود اولمیدر ، حتی
 قانون جزا بوقاعده لری اخلاص حالنده جزا ترتیب ایتمه مش اولسه بیله ، قانون مدنی
 بوقاعده لره حرمت ایتدیریر .

محاکم مقرراتی تدقیق ایدرکن طوبیلا نه بیله جک وامر شکلنده عرض ایدیله بیله جک خط
 حرکت قاعده لری : غیر مفیدغایه لرله هم جنسک حیاته ، جسمنه وحریتته تصرف ایتیه جکسک
 وبالذات کندی حیات وحریتته حرمت ایده جکسک ؛ کرک کندینک وکر کسه بر بشقه سنک
 سفاهتندن منافع تأمیننه چالیشمیه جکسک ؛ قمار ویا طالع له ، حیل ویا قوتله ، وحتی موجب
 جزا اولماسه بیله اغفال ایله بغیر حق اکتساب ثروت ایتیه جکسک ؛ وظیفه یا پیمغه مجبور
 اولدیغک شی منفعت مقابلنده یا پیمغه جکسک ؛ مقابلنده اجرت تأدیه ایدلمه سی لازم کلن
 معاملات ایچون اجرت تعهدنده بولنیه جکسک .

بعضاً بوقاعده لر بعض اشخاص و بعض محللر ایچون تحفیف ایدر ، بعضاً ده احوال استثنائییه یکی وظائف اورتیه چیقار . حرب زماننده بردشمنله مقاوله عقدی غیر قانونی اولمه دن اول غیر اخلاقیدر ، حربدن سوکره ، وطنی منفعتلر هنوز تهدید ایدلمکده اولدینی زمان ، ایکی فرانسه زاده سنده ، ملی سکه نك استعمال ایدلمیه چکنه دائر برقیدی احتوا ایدن مقاوله ده ، مملکتک اعتبارینی خللدار ایتدیکندن غیر اخلاقی اوله رق ملاحظه ایدیه بیلیر . بوضورتله بعض مؤلفلرک ، حاکمی اخلاق قانونی مطاع قیلمقدن منع ایچون ، اخلاق قاعده سیله مدنی قانون آره سنه وضع ایتک ایستدکری خیالی حائل ییقیلیر . محاکم کون اخلاقی مخل معاملاتی ابطال ایدرک ، اخلاق قاعده سنه حرمت ایتدیرمک ایچون مداخله ایتمکده در .

۲ - ابطالک عمومی واسطه لری

۳۱ - غیر قانونی و غیر اخلاقی علت نظریه سی - ۳۲ - قلاسیک مسالکک علتلرک تحریری حقنده کی حصومق - ۳۳ قایتانک علت ایله سائقک تقریبی حقنده کی تکلیفی : بونظریه نك مناقشه سی - ۳۴ علت سائق موجبدن بشقه برشی دکلدر ؛ دلیل نظریه سی - ۳۵ سائق موجبک غیر اخلاقی اولمسک اهمیت - ۳۶ غیر اخلاقی علت حقنده کی اجتهاد محاکمک قیمتی

۳۱ - غیر اخلاقی مقاوله لری ابطال ایتک ایچون بونلرک هپسنه ساری اوله حق برواسطه عملیه احداث ایتک لازم کلشدر . بعضاً وجیهه نك متعلق غیر مشروع اولور ، اوتقیدرده ۱۱۲۸ نجی ماده نك تطبیقی کافی کلیرسه ده ، غیر اخلاقیک علی الاکثر منکشف دکلدر ، مقاوله صورت ظاهره سی اعتباریه معاتب اولماز ، اعتنا ایله صاقلانان غایه نك غیر اخلاقی اولدینی منکشف اولنجه حقیقت کلاسیلیر . کنیش صورتده کلاشلمق صورتیه آلتنجی ماده نك بوکا کافی کله چکی ظن ایدیه بیلیرسه ده ، بوماده ، حرفیاً آلتینجه ، اخلاقه حرمتده امری بر قانونک الزام ایتدیکی خط حرکت قاعده سی مطحج نظر ایتمکده واجتهاد محاکمه بوضورتله تفسیر ایتمکده در . فی الحقیقه لازم اولان س-لاح ۱۱۳۳ نجی ماده ده بولنه بیلدیکندن بو آلتنجی ماده یه احتیاج ده یوقدر .

« علت اخلاقه مخالف اولنجه غیر مشروعدر ، مقاوله نك فسخی ایچون ۱۱۳۱ »

تجی مادہ نك تطبيق ایدلسنه غیر اخلاقی علتك میدانہ چیقارلمسی کافیدر « بونلر ، دیپور
قاینان ، منفعت و اخلاق عمومیه نك حقیقی محافظلری ارلان ایکی اساسلی مادہ در ، بومادہ لر
سایه سنده محاکم خارجاً شایان مؤاخذہ اولمیان معاملاتنی ، غیر اخلاقی بر مقصدله تحقق
ابتدیرلدکلرندن ، ابطال ایدہ بیللمشلدردر . بواجتهاد تفرعائیلہ تدقیق اولنجه بزم مخالف کلن
بر صورت حلی احتوا ایتمز . اگر تطبیقی حقوقده بر بطلان واسطہ سی بولمسه ایدی ، بوحال
بوکی معاملات مواجهه سنده برشی پایه میان جمعیت ایچون بر فلاکت اولوردی .

۳۳ — علت نظریه سی حقنده کی مناقشات حقوقیه یی تشریح ایتمه نك یری بوراسی
دکلدر . قاینان یکی بر اثر ندہ بوتخلیلی اولہ بر شکلدہ یا بمشدر که آرتق مسئله یه یکیدن کیمسه
تماس ایدہ مر . بعض حقوق شناسلرک بالذات مقالوله نك خارج ندہ کی بر عنصرله قیمت
قانونیه نك تقدیر یسه مساعدہ ایتمه نك خصوص ندہ کی ارزولرینی اشارت ایتک ایجاب ایدر .
دومولومب ایکی طرفلی بر مقالوله ده هر بر طرفک وجیهه سنك علی دیگر طرفک وجیهه سی
اولدیفنی ، بر طرفلی بر مقالوله ده علتك شیک تسلیمی بولندیغنی بیان ایله مقالوله نك سائلرینی
عقد دائره سته ادخال ایتبور وبوندن علتك متعلقه متمیز اولدیفنی استنتاج ایدیپور واونی
غیر مشروح علتہ کنیش بر وبرمکدن منع ایتمین ده بودر .

هر نه قدر دومولومب اساسک منطقی نتایجنی استخراج ایدہ جک قدر ایجه بر فکر
کوسترمه مشایسه ده ها خشین و علت علیهداری اولان هوک « بر مقالوله نك سائللری حقوقاً
شایان اهمیت اولمه ملیدر ، ادعاسنی در میان وحا کمدہ اخلاقی نك ، بلکده اخلاق پرده سی
آلنده دینک تظاهرنی کورمکدن تدش ایدیپور : « وجدانک بویله بر تحکم آلتندہ
بولندورلمسی لادی بر جمعیتده شایان قبول اوله ماز ، دیپور . عمومخانه جیلرک وجدانی ،
قارخانه ایشله تنلرک وجدانی ، مشکوک ابش کورتلرک ، قاربازلرک وجدانی ، دکلکی ؟ حقیقتاً
شایان حیرت بردقینه در !

ویریلن ایله آلتانک معاداتی فکر اقتصادیسندہ علت اراندیفنی زمان کذا مقالوله نك
سائلرندن استنتاج اولنان بتون ملاحظه لری منطق قوتیله بر طرفه بیراقتی مجبورینی حاصل
اولور . بوندہ مقالوله یه قیمت ویرن مقالوله نك مادتیجی بر تلقیسی واردرد . فقط ماهرانه وجوق
شایان دقت بر تحلیل ایله علتك بویله بر تفریقی وجوده کتیرمک ایسته یلر وضع ایدیلن
اساسک نتیجه سی اوکندہ کر بله شلر بونتیجه یی بر طرف ایتک ایچون فردک طمانیتی

satisfaction ایله جمعیتک طمانینتی آیره رق اقتصاده پسقو لوزی بی قاریش دیر مشلردر .
بتون بو محاکمات بذاته شایان دقت اولمقله برابر هپسی سائقلرک تحریسندن فراغت ایدیله میه جگنی
اعترافدر .

۳۳ — تطبیق اتنده دکلسه ده ، اساسی اعتباریله تأسس ایتمش اولان اجتهاده قارشی
اعتراض ایتمکده قائده یوقدر ؛ بواجتهادی مشروع و بحق قیلمق ارزوسنده بولنان معاصر
مؤلفلر بونک عنعنوی علت نظریه سنه موافق اولدیغنی اثباته چالیشمشلردر . من القدیم علت
ایله سائق قاریش دیرله میس لرومی تأیید ایدماش اولدیغندن بوتفریق نصل یانمه لیدر .

موسیو قایتان علت حقده کی تدقیقنک ایلك صحیفه لرندن اعتباراً بومشکلاته تصادف
وبوتفریقنک قولای اولدیغنی تأیید ایتمشدر . علت بوذاته کوره ، « وجیهه بی احداث ایدن
تظاهر اراده نك تمامیتی وجوده کتیرن ، مقاوله نك غایه سیدر ؛ سائق ایسه ، « انفسی
وعارضی ، فرد ایله دیکشه بیلن سبب raison در ، « مسلکک اجتهاد محاکمی وجیهه نك
علقی ایله سائقلری قاریش دیردیغندن دولای وقوع بولان مؤاخذه سنک نه درجه آز بحق
اولدیغنی کورمکده مشکلات یوقدر . سائق اراده لرك تطابقندن مقدم اولوب فردک کندیسنده
موجوددر . بالعکس مطمح نظر اولان غایه استقبالده در و مقاوله بوغایه نك استحصالی ایچون
عقد ایدلمشدر . « تفریق ماهرانه ، طرز محاکمه ایجده در . دها یقندن تحلیل ایدیلنجه ،
غایه ایله سائقی تفریق ایچون قایتانک متعدد فکرلردن استعانه ایتمکده مجبور اولدیغنی کورولودر
وبومعدد فکرلرده هر حالده ته زده فوق العاده لک نشانه سی دکلدر .

مؤلف مشارایله ، غایه بی استقباله ، علقی ماضیه وضع ایدر کن حادثه لرك زمانلری
اوزرینه برتفریق تأسیس ایتمک ایسته میور ، هم بوکاخالفدرده ، اونک ایسته دیکی طرفینک
تعقیب ایتدکلری غایه بی مقاوله ده برلش دیره رک ، مقاوله بی ، کندیسنه تقدم ایدن عناصردن
آیرمقدر . فقط ، فی الحقیقه ، عاقلدرک تعقیب ایتدکلری وعقددن اول فکرلرنده موجود
اولان غایه بو فعلک سائقیدر ، بوسائق دیگر سائقلردن آیرد ایدیله بیلیر و فعل ارادته
موجودیتی اورته به چیقاریله بیلیرسه ده علقی استقباله توضع ایتدیرمک ایچون احداث صیره سی
ترسنه چوریله ماز .

ایشته بو فعل اراده ده درکه ، علت آرانمالیدر ، علت فعلک تمامیتنه داخل اولور ،
حالبوکه سائق هر شخصه خاص ، خارجی و عارضی اوله رق قالیر . « هر برینک وجیهه دار

اولسی ایجاب ایدن بویسقولوژیک سائق اراده لرك تطابقنده داخل دكلدر. فقط بوهوكك نظریه سته عودندر ؟ دیمك كه اراده بذاته كافیدر و متعهدی مجبور ایدن شیدك نه اولدینی بیلیمیز. بر فعل ارادی ده سائق اصل کتم ایدیله بیلیر ونصل کتم ایدیله من ؟ بومشكلات قارشیننده عملی بر صورت حل وجوده کتیرمك ایچون تك بر واسطه واردر. قایبنان بونی آچقندن آچیقہ اشارت ایتمكہ جسارت ایتمه مكله برابر، استعمال ایتمشدر. بوتعتیب ایدیلن غایه نك طرفینجه مشترك اولمسی طلب ایتمكدر. « عاقلدر، اكلاشمه لرینك حدودی داخله شوویا بوملاحظه یی ادخال ایدیه بیلیرلر، اووقت بوبرعنصر مكون اولور ». دییور. و بوندن بشقه « سائق، غایه دن فرقلی ارلر ق متعهدك فعل ارادته داخل اولماز. متعهدلرك سائقی فعلاً بیلیمش اولمسنك اهمیتی جزئیدر، بوبیلیمش مقاوله ده تمامیتی وجوده کتیرمك ایچون کافی دكلدر، مع مافیه طرفین سائقی مقاوله نك برعنصری یایمش اولدقلمی یعنی بوغایه ایکی طرفك اكلاشمه لرینك سبب موجبی اولدینی تقدیرده قضیه برعكس اولور ». دییور.

بوراده فکر واضح اونقله برابر دوعری اولسه ایدی ممنونیت بخش اولیه جق نتایج منتهی اولوردی. ایسته نیان شی مقاوله نك علی اولان بر سائق اوزرنده اراده لرك تطابقیدر. اکر طرفین غیر مشروع برخصوصده مطابق قالمش ایه علت غیر مشروعدر. فقط اراده لردن بری دیگرینك بیلیمه دیکی و حق بیلدیکی غیر مشروع بر سائق ایله حرکت ایدیور و فقط دیگرى بوکا اشتراك ایتك ایسته میورایسه، مقاوله تماماً مقبول اوله جق! بریسی عموخانه اتحاد ایتك اوزره بر بنا صانون آلور، بایع بومقصده آگاه دكلسه بیع مقبول اوله جقدر! اکر طرفیندن، برینك معصومیتی مقاوله نك مقبول اولمسی ایچون کافی كلسه ایدی، طرفیندن بالکز برینك غیراخلاقی بر فعل ارتكاب ایتدیکی مقاوله لرك مقبول اولمسی نتیجه سی استخراج ایدیله جك وحق عاقدیندن برینك دیگرینی مقصدینك غیراخلاقی اولمسه آگاه قیلماق مهارتنی کوستردیکی بتون مقاوله لر مقبول اوله جقدر.

فی الحقیقه سائقلر صورت قطعیه ده شخصیدر وحق بوسائقلرك مشترك اراده ده داخل بولندینی ادعا ایدلدیکی زمان بیله طرفین آراسنده مشترك اوله مدینی همان، مشاهده ایدیله جكدر. سائقلره متقابلاً آگاه اولورلر ایسه ده عینی متعلقه و عینی غایه به متوجه بر فعل اراده یوقدر. قاربازه قسار اوینامسی ایچون پاره اقراضنده مجرم بر سائق واردر؛ قسار بازك سائقی ده

کذا مجرمدر ، فقط بوایکی سائق ده فریدر ومشابه دکلدر ، طرفینک غایه لری عینی شیئی دکلدر ، تعقیب ایدیلن غایه نك بذاته غیر اخلاقی اولمادینی مقاوله لده ، مثلاً برجرم ارتکابندن اجتناب ایتک وعدیله یاپیلن مقاوله لده ویا وظیفه یاپیللمسی لازم کلن مستقیمانه برخط حرکت تعقیبی ایچون منفعت تأمین کی غیر اخلاقی برغرضه یاپیللمش اولان مقاوله ده تماماً بوبله در .

بهموده یره اراده نك بو تحلیلی ایله وقت کچیرلمشدر . قایتان اجتهاد محاکمی ایضاح ایچون یادیغنی بنانک تأمین ایتدیکی منفعته رغماً ، قلاسیک اجتهادات علمیه ده بولدیغنی ، مقاوله کنددی کندیسنه کفایت ایدر ، برفعلک سائقلرینی آراشدیرمق حریته تجاوز ایتک وفکری تصدیق ایتک ایسته مکدر ، فکرینک تحکمی آلتنده قالمشدر .

۳۴ — فی الحقیقه اجتهاد محاکم بشقه برشی یاپیمور . هبه ویا برعقد معاوضه موضوع بحث اولسون ، بطلانی افاده ایدن مقررات دائماً فعل حقوقینک سائقی غیر اخلاقی بر فکر اولدیغنی بیان ایدر . بوسائق طرفینک تعقیب ایتدیکی غایه ایله قاریشیر اکر مقاوله ، کرک فعل اراده ده وکرک تعادل مفهومه علتک ادخالیه دریش ایدلک ایسته نیرسه ، علتدن فراغت ایچون ، اراده ویا متعلق مفهومی تحلیل ایتک کافی کلاسیکندن علت علمدارلرینه سلاح ویرلمش اولور .

علت نظریه سنک حقیقه ده منشأی نهدر ؟ هر نه قدرده اول حقوق شناسلر بوفکری اورته یه چیقارمشلر سه ده بواحدانک شرفی دومایه راجعدر . قایتان « دینه بیلیر که علت نظریه سی باحاطه کلیسا حقوقی اربابنک اثریدر بوراده یکی عهد pacte تلقیسی تقویه وتوئج پایدیه رک سربستی مقاولات اساسنه امنیت ومشروعیت ویریه دیور . کلیسا حقوقی اربابی ویرلمش سوزک طوتولمسی وظیفه سی وجیهه یه استحاله ایتدیردکلرندن عهدک قیمتی تأیید ایدیورلردی . فقط ویرلمش سوز غیر اخلاقی اولدیغنی تقدیرده بونک قیمتی اصلاً قبول ایتمه مشلدر . بو صورته محکمه لر عافدلرک قبلرینی یوقلیورلر ومقاوله کندیسنی وجوده کتیرنلرک غیر اخلاقی فکرینی اورته یه قویوبورسه مجرم سائقلرله حرکت ایدن اراده یی تصدیق ایتمکدن امتناع ایتمکده درلر .

مقاوله نك سائقلرینک نظر اعتباره آلمسنه قارش یاپیلن اعتراضاتی کیزله مه مک لازمدر برنجی اعتراض شودر : حاکم فعل اراده یی محکوم ایدن سائقلری آراشدیرمق حقنه مالک میدر ؟ بو مساعده ایدیه مه جک صورتده وجدانه نفوذ ایتک دکلدر ؟ ایکی نهج

اره سنده فیکرلرک حال مناقشه ده اولدیغی بر دورده ایدی که بوملاحظه محکمه تمیزی ترده سوق ایتدی : زعامی ایراد تأسیسی عقدینه حکم ایدرکن فعلک ، کندیسنی الهام ایدن سائقلرک دلیلی کوسترمه سی لازم کله چکنه قرار ویردی . اوزون رمان برکرم وسخاوتک غیر اخلاقی علی دولایسیله ، بوعلتک ذاتی دلیلی موجود اولدیغی تقدیرده ، ابطال ایدیه میه چکنی قبول ایتدی . شه سز سخاوته متعلق اولان بواجتهاده ، اولادلق خصوصنده کی دلیل قاعده لرینک نفوذی وار ایدی ایسه ده بونده ، سائقلرک تقدیرنده اجتهاد ایله اظهار ایدلمش برتردد کورمکندن ده منع نفس ایدیه من . سائقلرک تحریرسند خطا ایتمکدن قورقلمشدر و بو تحریر آنجق — ائک بالذات فعله التحاق ایله موجب اولدیغی تحقق ایدنجه ، مؤمن اوله رق کورونمشدر . فقط عقود معاوضه کتم مهارتنه بر مکافندن بشقه بریشی اولمیان دلیل ذاتی نظریه سی تأیید ایدلمدی وسخاوته متعلق خصوصاتده ، محکمه تمیزک ۲ کانون اول ۱۹۰۷ تاریخلی اعلامیه رد ایدلدی .

بودلیل مسئله سنک اهمیتسز اولدیغی سویله مک دکادر . بالعکس فعلک فاعلی طرفندن تعقیب ایدیلن غیر اخلاقی غرض مجرم فیکرک حقیقتی تأیید ایدیه میه چک اولان محاکمندن قاجار . اجرا ایدیلن فعل حقوقینک بو فیکری تجسد ایتدیره سی لازمدر . برشخصه ، قمار اوینامسی ایچون پاره اقراض ایدیه بیلیر ، ومستقرض ده آئنده سرماییه بولونمق اعتباریه بوکون یارین کندیسنی احتراصنه ترک ایتک فکرنده بولنه بیلیر . فقط معامله اوینون اثناسنده یا بلالمش ایسه قرینه موجود اولدیغندن بوفیکرلر نصل اثبات ایدیه بیلیر ؛ مقاوله نك غایه سیله سائق موجب اره سنده کی فرق بر دلیل مسئله سنندن عبارتدر . مقاوله نك غرضی مقاوله نك غایه سیله ، اکتساب ایدیلن ویا آرانان اقتصادی نتیجه ایله منکشف اوله جنی بیان ایدلمشدر .

۳۵ — پک محق اوله رق ، سائقلرک کثیر اولدیغندن ، بونلری کشف ایتک ممکن اولدیغندن بحثله اعتراض ایدلمکده در . بوراده اورتیه چیقمان مسئله برعلیت مسئله سی اولوب ، بالاخره کوره چکمز وجهله مسئولیت مدنیه نك تعییننده تصادف ایدیلن مسئله یه مشابه اوله رق ، غیر قابل حلدر . برشخصی مقاوله عقدینه سوق ایدن متعدد عامللر اره سنده هانکی عاملک راجع اولدیغی کوسترمک ممکن دکادر ، نصل که ، برضرده تقدم ایدن حادثه لرده ضررک علت فاعلیه سی اولان حادثه یی بولمق غیر ممکندر . فقط نه اهمیت

وار، عقدك برعلقی اولسی ایچون تك بر سائق بولق کافیدر وعقدك غیر قانونی اولسی ایچون سائقلردن بریسنك کوتو اولسی ده کفایت ایدر .

ایشته علتك عدم موجودیتی ایله مشغول اولمەنك همان ده بی فائده اولسنك سببی ، زیرا هر معامله ، اثر جنت اولسی حالی خارج اوله رق ، هر هانکی بر ملاحظه ایله یا بلشدر وایشته علتك غیر قانونی اولدیغنی تدقیق ایتمەنك اهمیتی ده بونده در . بر قاربازه ، او بونده دوام ایتسنی تأمین ایدە جك بر اقراضده ، مقرضك ، مستقرضك او بونده دوام ایتسنی تأمین ایتك دوشونجه سی صریحدر . فقط دیگر اسبابده بولنه بیلیر : متدار قیلەق آرزوسی ، جمیلە اظهار ایتك ، قورقو ویا مرحمت ، حرمت ویا شفقت کی . بوسائقلرك بر قسمی محقدر ، فقط بولرك ایچنده ، دیگرك او بونده دوامی تأمین ایتك کی کوتو اولانی ده واردر و بو ، مقاوله یی غیر اخلاقی عد ایتك ایچون کافیدر .

کذا سائقك ، دیگر طرفك مجھولی اوله جنی و بوحالده مقاوله یی ابطال ایتك حق اولیه جنی بیان ایدیلور ، فقط بومقاوله یی محافظه ایتك دها زیادہ غیر محق دکلیدر ؟ زیرا طرفیندن بری ، حرکتندە عامل اولان شیئی کتم ایتکە موفق اولمشدر . برایع غیر منقولك شایان حجاب خصوصائده استعمال ایدمك مقصدیلە صاتین آلدیغنی بیلیر ویا بیلمز ؛ اشترا فعلی غیر اخلاقی بر سائق موجب اولمشدر ، بوتقدیرده بایمك حسن نیتی حسبلە دها آز حمایه ایدلسی غریب اولور .

فی الحقیقه بورادہ موضوع بحث اولان تماماً بشقہ بر مسئلہ در ، وابطال دعواسی جریان ایدر . اولکی فرضیہ ده مقاوله نك مقبولیتی استلزام ایدن ، بایمك مقاوله نك ابطالی آرزو ایتمە سی مفروض اولوب ، بونی مشترینك ایستە مش اولمسیدر . اوحالده بورادہ مشترینك ابطال طلبی رد ایدلمیدر . غیر اخلاقی مقاوله لر ایله عصیلە شن محکمە لر ، معقود علیہک اجراسی دعواسی ده رد ایتکە درلر . بورد دعوی مقاوله نك نتایجی محافظه یه ومقبولیتی ظن ایتکە سائق اوله بیلیر .

۳۶ — اجتہاد محاکمک ، قودسیویلک ۱۱۳۳ نجی مادە سی بوقدر کنیش بر صورتدہ تطبیق ایدە رک ، مقاوله یی اخلاقه توفیق ایتدیرمک یوانی بعقب ایتکە اولدیغنی کوریورز . اجتہاد محاکمک بوصورتلە حقوقدہ « فکر اخلاقینک ترقیسنی » اشارت ایدن کلیدسا حقوقی اربابنك اثرینی تعقب و اثرینی اکالدن بشقہ برشی یا میور . مقاوله یی ، قوتی غیر مشروع متعلقہ منعطف اولان ارادە ده بولان مجرد بر معامله اوله رق قبول ایتیمور . بالعکس

طرفین سائق لریخی صورارق ، مقصد لریخی استکناہ ایدہ رک ، مقاولہ ی وجودینہ سائق
اولان غایہ تقریب ایدہ رک ، کوتو بر فکرک ساحۂ شائینہ ابصالی رد ایدیور . حریت
وجدانہ تجاوز ، اولہ می ؟ فقط بوحریتک غیر اخلاقی فکری ، برمعاملہ آشیخ
ایتدیرمکی تضمن ایتدیکنی بیلیمورم .

۳ - آداب عمومیه نیک نغری

۳۷ - آداب عمومیه نیک تعریفندہ قلاسیکلرک دوچار اولدینی مشکلات : حقوق
طبیعیہ نیک نفوذی - ۳۸ . آداب عمومیه نیک اجتماعی تلقیسی و بونک کفایتسزلیکی - ۳۹ .
بومشکلاتک حلی ایچون اخلاقی بر مفکورہ نیک ضرورتی .

۳۷ - بو قدر متین بر اجتهاد حضورندہ ، حقوق شناسلر ، ایستر مطلق ، ایستر
مقید بر صورتندہ تصویب ایتسینلر ، آداب عمومیه نیک حیات حقوقیہ کی موقع محترمی
تصدیق ایتک مجبور اولمشلردر . و مادام کہ بو حرمت حقوق قاعدہ سی اولہرق موجوددر ،
او حالہ ، آداب عمومیه یی تعریف ایتک و واجب الرعاہ اولان اخلاق قاعدہ لریخی
آراشدیرمق لازمدر .

حقوق شناسلر عالمندہ مشکلات وار ! هوک ، مربی و سانسور پاپاسک نفوذندن
قورقارق موضوع قانونلر طرفین تصدیق ایدلش اولان اخلاق قاعدہ لرندن بشقہ لریخی
طانیور . محاکم ، غیر اخلاقی علی غیر قانونی علتہ برطوتدقلری ایچون بو غیرقابل
مدافعہ بروضیتدر . پورو ، بر تصدیقی بوقسہ ردی اولدینی آکلاشیلمیہ جق صورتندہ
محاکم آداب عمومیه بحثندہ مبہم اولدقلریخی ، اعلان ایدیور !

قلاسیک مؤلفلرک اکثریتک ، صورت حلی بولہ مدقلری بر مسئلہ اوزرندن سرعتلہ
چمک عاتلریدر . او بری ورو آداب عمومیه مفہومندہ مناقشیہ محل اولدینی قبول ایدر
کورونورلر . دومولومب براق مثال آملقلہ اکتفا ایدر . لوران سہیل بر تدریہ empirisme
التجا ایدر . « انسانیتک ہر دورہ جیاندہ ، فردی تخالف افکار خارج اولہرق ، وجدان
عمومینک قبول ایتدیکی ، اخلاق اوزرینہ مبتنی بر مسلک وارددر : بومعنادہ دینہ بیلیر کہ
دائما عمومی بر اخلاق وارددر ، نہایت بر رأی عام اخلاقی اولدینی جوابی ویرلہ بیلیر .

بودری - لاقایتوری و هوک - فورقادی انتظام عامہ نیک و آداب عمومیه نیک « زمان
ومکاندہ تحول ایدن مفہوملر » اولدینی تأثرلہ تصدیق ایدرلر . پلانیول آلتنجی مادہ نیک

شمولی حقنده جوق مطمئن دکلدر : « محاکمک آلتنجی ماده یی تطبیق ابدیه رک مقاولات و دیگر معاملات فردیه یی غیر اخلاقیلک دولایسیله ابطال ایتمه لری قانوندن آلدق لری اُک قورقنچ صلاحیتلردن بریدر . بونک احتراصکار شخصلر ، متعصب اخلاقیلر ، سه قته روحلی آداملر طرفندن تطبیق ایدلدیکنی فرض ایدیکز ، حریت مدنیه خسوفه اوغهار بوراده اُک اُبی مقیاس افکار عمومیه در ؛ بر ملتک سویه معتاده سی تنظیم ایدن فکرلرک جریان عمومیه سی ضروری برنوع مقیاس وجوده کتیرر . آمیرواقولهن وقاییتانه کلنجه بونلره انتظام عامه یی تعریف ایتمک مشکل کلش ایسه ده آداب عمومیه نک تعریفنده دوچار نوقف اولمه مشلردر « معناده هیچ شبهه یه محل یوقدر ... آداب عمومیه اخلاقدر »

شبهه سز اخلاق قاعده سنک بداهتی حقنده کی بوتصدیق ل بر جوق فکرلره اخلاق قاعده لرینک بلامناقشه تحکم ایتدکلزینک و حاکمک بو اخلاق قاعده لرینه تجاوزی ، هیچ برمشکلانه اوغرامه سزین تشخیص ایتدیکنک دلیدر . فقط بوتصدیق ل بر آزانجه آله نیرسه بونلرک حالاحقوق طبیعه مسلیکله مشبوع اولدق لری وقاعده نک موجودیتنک دلیلی وساحه تطبیقتنک تحدیدی عقل عمومیدن استنباط ایتدکلری کورولور .

۳۸ — علم اجتماعینک نفوذی دیگر بر آداب عمومیه تلقیسنه وجود و برمکده در . بوکا کوره آداب عمومیه مفهومی اجتماعی واقع لره تدقیقندن استنتاج ایدلدیر ؛ بو آداب معتاد اولدق لری ایچون ایدر بونفوذ دومو غک (وجائب) نامنده کی اثرنده جوق مریدر مومی الیه « آداب عمومیه فلسفی و یادی بر مفکوره یه نظر آدکل واقع لره و افکار عمومیه یه نظر آ تعین ایدر » دیور . بوندن استنتاج ایدیور که بوفکر ، بالذات قواعد اخلاقیه نک محدثیدر و تعاملک افکار عمومیه مردود کورمدیکی تقدیرده ، ولو بذاته مقدوحقی ظاهر اولسه بیله ، مقبول اولدیفنی سویله جک قدرایلری کیدیور !

بونده ، بومسلکک حقوقی ، جمعیتک پسیقولوژیک بر احدائی عدایدن برتظاهری واردر . امانوئل لهوی « حقوقده اساس لره آزویا جوق قطعی اُنیکتلردن بشقه برشی اولمان تطبیق اتندن بشقه برشی یوقدر » دیور . اجتماعیات اخلاقی حادثه لری مطالعه و قانونی ، حادثه لره تدقیقندن علمی بر صورتده تفریق ایدر .

بومسلک ، معاصر بر جوق مؤلفره آداب عمومیه نک بوتلقیسی ثلثین ابدیه جک قدر نافذ اولمشدر . مؤلفلر بوکا بر تعریف و برمکده تردابله حاکم اولان فکره التجا ایدرلر ،

قاعدہ نك متحول و عارضی ماهیتی قبول ایدرلر ودها فضله شایان قبول قیلمق ایچون اونك متین و مجبوری الرایه لك سجه سی تعدیل ایدرلر .

۳۹ — بومؤلفلر ، اداره جی رولنی ایفا ایتمکدن اوزاق ارلهرق ، اجتهاد محاکمی عقدی مناسبلرک تدقیقنده دهازاده ملایمه سوق ایتمک چالیشیرلر . اجتهاد محاکمی اعتیاداتی تأکید دعت ایدرلر . ایشرسه بواعیادات آنجق خط حرکت قاعده سنك عدم موجودیتی حالنده تأیید ایدلمکده اولسون . اخلاق قاعده سندن ، بونی انسانلرک ملعبه احتراصندن میدانه کلن تطبیقاتک بسیط بر فورولی منزله سینه ایندیره رک ، بتون متانتی رفع ایدرلر . اخلاق قاعده سی ، حقوق عالمه ادخال ایچون ، اجتماعی بر لباس آلتنده کولونج برقیاقه صوقورق متعال سجه سندن تجرید ایدرلر .

دوموغ ، آداب عمومیه نك بر مفکوره کوره تعین ایتمه جکفی سویلیور . فقط اخلاق قاعده سی الهی و بابشری بر مفکوره ملاحظه سیله امرایدن بر خط حرکت قاعده سی دکلسه نه در ؟ غیر اخلاقی معامله تکرر ایله ، غیر اخلاقی تعاملی اولدیقندن دولایی مباح اولماز . تصویب عمومی علی الاکثر فضائحه الفتدن بشقه برشی دکلدر . فضیحه کار بر فکره مستند بر تطبیقک مستحق بر تخصیصی بر تطبیقی مشروع قیلماز .

آداب عمومیه نك اجتماعی تلقیسنه مراجعت حقوق شناسلرک اخلاق قاعده سنك حقوق عالمه حاکم اولدیغی ، قانون مدینک فوقه یوکسلدیکنی کورمک قورقوسی ایله متراقدر زیر اواخلاق قاعده سی امری بررول اوینایه جق و قانون مدنی طرفندن وضع ایدلمش اولان شرائط داخلنده عقد ایدیلان مقاوله لری ابطال ایدمکده . بوسورتله ، کویا اخلاق قاعده سنك موجودیتی قانون مدینک موجودیتی کی ، تماماً عامی برواقعه دکلش کی اخلاقی علمه قارشی قویق ایسته یین کهنه بر تلقی فلسفی ایله اویالاندیلر .

محاکم بوباطل تلقینانه مقاومت ایتمکده در . احتراصات بشریه نك خدمتکارلری دکل مراقبلری اولدقلمی بیلیورلر موده نك عدالت وجوده کتره میه جکینه امیندرلر . سفاهتک قارک ، بونجه مساوی اخلاقیه نك ، بغیر حق اکتساب اموالک افکار عمومیه طرفندن نظر مسامحه ایله کورلدیکی بر جمعیتده محکمه لرک بوکی عوامل ایله مقبول مقاولات وجوده کتیرلمسه مساعده ایتمدیکنی کورمک انسانک حسن تقدیر و حیرتی جلب ایدیور .

اخلاقی مفکوره ده قطعیتسزلك ، بعض مقاوله لر مواجهه سنده بر سبب ضعف و تردد وارددر ، بواشکار بر کیفیتدر . اوتقیدرده مظلوم و یاغیر قطعی بر قاعده یی میدانه چیقارمغه

چالیشمق لازم در . اکر حاکم معتاد تطبیقاتک تدقیقه اکتساب علم ایده بیلورسه ، افکار عمومیه تک فوقنده قالیر ؛ افکار عمومیه بی سوق ایتلیدر یوقسه افکار عمومیه به تابع اولمه ملیدر ، و اخلاقی مفکوره مظلیمیت کسب ایدنجه قانوندن آلدینی مراقبه صلاحیتی استعمال ابدہ رک وظیفه سی یوکسلتیر . ایشته محکمہ لر وظیفه لرینی بویله آکلامش لردر . اونلری تنقید ایدنلرده اخلاقی مفکوره به کافی درجه ده اظهار حرمت ایتمش لردر . کوتوساقل ایلہ حرکت ایدن انسا نلرک میدانہ کتیردیکی حادثہ لر مواجهہ سنده ، محاکم خریستیان اخلاقک اوزون سنہ لر جمعیتہ الزام ومدافعہ سنہ مأمور ایتدیکی قاعده بی محافظه وظیفه سیلہ مکلفدر .

مترجمی

توتون اداره انحصاریه سی امور حقوقیه مدبر معاونی

عبدالحی کمال

مؤلفی

پارس حقوق فاکولته سی مدرسلرندن

بییم

